



**3 lucky winners will WIN** A RETURN TRIP TO WATCH MANCHESTER UNITED IN SYDNEY

PRIZE INCLUDES

- » 1 Game Pass
- » Travel Allowance
- » A return ticket
- » Accommodation for 2 nights

Visit your nearest Telkom Shop now!

24/7 Customer Care Call 345 6789 or www.telkompng.com.pg

**KAMAP SMART WANTAIM NIUPLA SMARTPHONE**

Kisim niupla Nokia Asha 311 or Blackberry 9320 smartphones na sekim internet tudel.

Sizing Deals wantaim Digicel tasol

## JW kukim!... Justin Wellington



**FRI YA!** Olgeta pikinini long Pot Mosbi bin kisim gutpela taim long lukim Justin Wellington taim em kam singsing long Se John Gais Stadium long Sarere wik i go pinis. Taim Justin Wellington save kam singsing, ol manmeri save baim geit long go lukim em. Digicel PNG givim ol pikinini fri long lukim em singsing. *Poto Nicky Bernard.*

**BROWSE ALL DAY**  
K1.49  
Text "Data" to 16333

Nokia Asha 311  
3.15MP Camera, MP4, MP3, Digicel, Email, MP3, YouTube, Facebook

**K299**

Blackberry 9320  
Email, SMS, MMS, 3.15MP Camera, LED Flash, Document viewer

**K499**

Digicel

**Insait:** Kudjip kisim tupela dabol klasrum i kam long PNGSDP- p2

**Angau Haus sik pas yet - p3**

**Asailam sika long Nauru somapim maus- p5**

**Tom Piper Braised Steak & Onions**

**Teis i stap long bipo yet!**

**Braised Steak na Onion!**

**Planti mit na Swit Moa!**



TENKYU PNGSDP: CEO bilong PNGSDP David Sode, (rait han) Gavana bilong Jiwaka Dokta William Tongamp na Projek menesa bilong PNGSDP, Gerry Laka i katim riben rop long opim nupela dabol klasrum bilong Kudjip Kristen Intaget Skul long Saut Wagi LLG long Jiwaka provins. Foto Nicky Bernard.

# PNGSDP givim tupela nupela klasrum long Kudjip CIS

## Stet bai askim long senisim kot ruling long asailum sika

### Nicky Bernard i raitim

KUDJIP Kristen Intaget Skul i open tupela nupela klasrum bilong ol long dispela wik Trinde, dispela skul bin kisim wanpela bikipela hevi taim paia kukim tupela bikipela bus klas rum bilong ol.

Dispela skul i stap insait long Saut Wagi LLG long nupela provins Jiwaka, long 2012 dispela hevi bilong paia kisim skul bilong ol.

Bod Siaman bilong Kudjip Kristen Intaget Skul wantaim ol lain bilong bin go raun na nok long doa bilong ol gavman na lida bilong ol tasol nogat luksave, olsem na ol go long opis bilong wanpela nius pepa na putim wari stori bilong ol, dispela mekim

CEO bilong PNGSDP, David Sode i kisim luksave olsem dispela skul laikim helpim na salim projek lain bilong em go lukim.

Dispela tupela nupela dabol klasrum mani bilong em inap long K400,000 tasol, ol kominiti na ol papamama i bringim kos bilong em kam daun long K62,000 long kamapim dispela tupela nupela klasrum.

PNGSDP CEO, David Sode i bin amamas tru long ol kominiti na ol papamama long mekim ol wok ol yet long kamapim dispela klasrum.

"PNGSDP givim Kudjip skul kapa, wara teng, pos na petrol bilong katim timba, ol yet katim diwai na mekim klasrum ol yet na nogat leba

kos, dispela mekim mi amamasim nogut tru long dispela kominiti bilong Kudjip" Sode i tok.

Em tok tu olsem dispela kain ol kominiti em save laik helpim ol, ol i no wetim gavman long mekim samting bilong ol, tingting na hat wok bilong ol yet kamapim kaikai.

"PNGSDP, i putim liklik mani yupela putim bikipela hat wok, na total mani mak bilong dispela tupela nupela klasrum, tupela wara teng na tep wara em kos olsem K400,000 plas na sapos yupela bagarapim yupela bai lusim bikipela mani, olsem na yupela mas lukautim gut". Sode i tok.

Dispela skul bin stat long 2008 na em gro kam bikipela long 2012 na paia

bin kamap long tupela klasrum bilong ol.

Ol tisa long hap ol papamama yet save bai ol long mani bilong painapol na pit-pit taim ol salim long maket na kisim liklik toea ol save givim ol tisa bilong skul.

Long taim bilong opening bilong tupela klasrum nupela gavana bilong provins bin go stap long open bilong dispela tupela klasrum na em bin givim bikipela tok tenkyu i go long PNGSDP na ol lain bilong Westen Provins long helpim ol long kamapim dispela tupela klasrum.

Gavana tok em bai wok bung wantaim PNGSDP long kamapim ol narapela liklik projet olsem long nupela provins bilong em.

STET bai askim long senisim wanpela Nesanel Kot disisen long larim ol loya bilong Oposisen lida, Belden Namah long go lukim prosesiing fasiliti o ples we ol asailum sika i stap na ol i stretim ol pepa bilong ol long Lombrum, Manus Provins, Aten Jenerel na jastis Minista, Kerenga Kua i tok olsem aste.

Mista Kua i tok Stet em i tokim ol loya bilong em long putim wanpela aplikesen long senisim dispela disisen na long wankain taim tu, tokim ol loya bilong em long stopim disisen we ol bin givim tok orait long ol loya bilong Mista Namah long go lukim dispela hap we ol asailum sika i stap long en, inap Suprim Kot i harim keis.

Em i tok Mista Namah i bin askim Nesanel Kot long tupela samting.

Dispela em long stopim nesanel gavman long kisim moa asailum sika i go long

Manus Prosesing Plent inap kot i wokim fainol disisen na larim ol loya i go long prosesiing fasiliti aninit long Seksen 42 (2) © bilong Mama Loa.

Seksen 42 (2) © bilong Mama Loa i givim man we ol i no bihainim loa na holim ol i stap i mas gat loya em i laikim long ples we ol i holim em i stap long en.

Nesanel Kot i no bin tok orait long aplikesen bilong stopim long salim moa asailum sika i go long Manus, tasol i larim ol oda bilong Oposisen lida long go long prosesiing fasiliti.

Mista Kua i tok Nesanel Kot i wokim gutpela disisen long stopim aplikesen bilong stopim Stet long kisim moa asailum sika i go long prosesiing fasiliti.

"Na mi ting olsem dispela em i rait disisen na mipela (Stet) i amamas olsem nomol operesen long fasiliti bai go het .

**AGMARK MACHINERY** **JCB** FOR ALL YOUR MACHINERY NEEDS

SIMPLICITY BY DESIGN

- 3CX - 4CX BACKHOE LOADERS
- JS200C SC HYDRAULIC EXCAVATOR
- SMOOTH - PADFOOT DRUM COMPACTORS
- TELEHANDLERS
- ROUGH TERRAIN 4WD FORKLIFTS

machinery@agmark.com.pg

PORT MORESBY 323 5572 | LAE 472 6324 | KOKOPO 982 8748

# Angau Haus sik i pas yet

## Ol laikim polis mas mekimsave long trabelman

### Bustin Anzu i raitim

NAMBA Wan Haus sik bilong Papua Niugini, Angau, i pas long givim sevis long ol manmeri na askim Lo na Gavman long wokim sampela samting pastaim long ol man nogut.

Haus sik i daunim wok bilong em na lukluk long sampela narapela rot long daunim dispela birua.

Long wankain taim, polis i holim pinis wanpela stilman na askim ol narapela long givim ol yet i go long polis.

Ol lidaman na meri i mekim strongpela toktok agensim dispela na laikim sampela senis mas kamap long dispela.

Dispela hevi i mekim Praim Minista long toktok strong long dispela na tu Minista bilong Helt i wari long wanem samting i bin kamap long ol wokmanmeri bilong Haus sik.

Angau nau i wok long lukluk long ol hevi bilong ol pikinini na ol narapela lain husat i kisim bikpela bagarap na stap long imejensi.

Ol narapela sik em ol i pas long dispela wik. Dispela hevi bilong haus sik em kamap bihain long ol stilman i mekim pasin nogut long wanpela Sista bilong haus sik, bihain long haus sik kar i lusim em long haus bilong em long Is Taraka, ples em save slip long en.

Taim em i go daun long kar, wanpela stilman i bin hensapim em na kisim em i go in-

sait long haus bilong meri. Narapela 4-pela raskolman i bihainim narapela wanwok bilong ol na mekim pasin nogut long dispela meri Sista long ai bilong man na famili bilong em.

Long stat bilong wik, ol wokman na meri long haus sik i wokim bikpela protes long Angau haus sik ples olsem ol no laik long go bek long wok inap ol dispela trabelman i go long han bilong polis.

Planti manmeri tu i no amamas long wanem samting i bin kamap long ol wok lain long haus sik long wanem, ol save wokim bikpela wok long sevim ol sikmanmeri na wanem samting i bin kamap, em i soim olsem ol i no luksave long wok bilong ol.

Praim Minista Peter O'Neill i mekim strongpela tok long polis long painim ol dispela trabel lain na kisim ol i go long lo.

Minista bilong Helt Michael Malabag tu i mekim wankain singaut long polis long holim ol dispela trabel man na putim long polis na larim lo i mekimsave long ol.

Bos bilong polis long Lae Superintenden Iven Lakatani i bin go long Is Taraka, long ples we trabel i bin kamap long en na toktok wantaim ol lain. Wanpela bilong ol dispela trabel man i givim em yet i go long polis na nau stap long han bilong ol.

Em i askim narapela 4-pela long givim ol yet i go long polis na polis bai mekim wok painim aut long dispela.

"Sapos ol yet ino kamap long polis, orait, polis bai

mekim rot bilong ol yet long painim aut ol dispela trabelman. Dispela em wanpela bikpela samting na ino gutpela long ol i stap aut olsem.

"Ol i mekim na nau, laip bilong ol narapela i stap long

mak nogut. Olsem na ol mas kamap long polis na givim ol yet long lo," Lakatani i tok.

Ol wokmanmeri bilong Angau Haus sik bai givim wanpela protes pas igo long ol menesmen na i go long ol

lain bilong atoriti.

Polis i askim pablik bilong Lae siti long givim moa stori sapos ol i save long ol dispela trabel lain i stap long wanem hap insait long Lae siti.

## Purchasing EasiPAY units with BSP Mobile Banking

- 1 Dial \*131#
- 2 Enter your mPIN
- 3 Reply with 3 for "TopUp Service"
- 4 Reply with 2 for "EasiPAY"
- 5 Select the account you would like to topup from
- 6 Enter the EasiPAY meter number
- 7 Enter the Amount
- 8 Reply with 1 to "Confirm"

\*Digicel Customers Only



Call us on 320 1212 / 7030 1212

Email [servicebsp@bsp.com.pg](mailto:servicebsp@bsp.com.pg)

Visit [www.bsp.com.pg](http://www.bsp.com.pg)

Find Us On:





Official Sponsor of the 2015 Pacific Games

## Morobe na Oro Provins i kisim helpim

YUNAITET Stet (US) aninit long U.S. Ejensi ov Intanesenel Developmen (USAID) bai i helpim Papua Niugini Ret Kros Sosaiti long mani mak olsem \$50,000 (K102,000) bai sapotim disasta rilif long Morobe na Oro Provins.

Tupela provins i bin kisim bagarap long taim bilong bikpela wara na graun i bruk. Embaseda bilong U.S, Walter North i tokaut long givim helpim bihain long taim ol ripot long flad o taitwara i kamapim hevi na bagarap, tasol ol i amamas long helpim long dispela birua.

Papua Niugini Ret Kros nau bai yusim dispela mani long kamapim ol samting we bai helpim pipel bilong tupela provins long haus, wara, helt na planti moa samting i go long ol lain we i kisim bagarap long bikpela wara na graun i bruk long en.

USAID opis ov U.S Foren Disasta Asisten (OFDA) bai helpim long givim ol samting olsem haus, ol samting i go long haus sik na planti moa i go long intanesenel kraises o birua na disasta. USAID/OFDA i gat longpela wok bung wantaim gavman na pipol bilong Papua Niugini long taim bilong hevi.

Moa long dispela, ol i givim \$350,000 (K714, 000) long sapot bilong disasta rilif na long abrusim birua bihain long bikpela wara i kamap long Morobe long las yia.

OFDA em wanpela USAID asisten ogenaimesen long Papua Niugini.

Long yia 2012, USAID i bin givim \$3.75milien long sapotim kea o lukautim, prevensen o stopim na tritmen bilong HIV na AIDS long PNG, na 9.5milien tu long helpim ol Pasifik rijen long redi long taim nogut i kamap o taim weda i senis.

**TELI Apdeit**

**BEK TU SKUL**

Top ap wantaim K20 o moa long wanem ol Telikom pripeid prodak na go insait long dro long winim kes prais inap long K500 olgeta wik. Dispela wik mipela i droim ol wina long wik Januəri 28, na wik Februəri 4.

Ol wina bilong wik bilong Januəri 28, em:

1. **17219752**
2. **77444002**
3. **4325407**
4. **3151815**
5. **3446312**
6. **4326025**
7. **3445995**
8. **77503240**
9. **3154125**
10. **3251997**

Ol wina bilong wik bilong Februəri 4, em:

1. **77005872**
2. **3483050**
3. **77582402**
4. **3446531**
5. **77584439**
6. **77035353**
7. **3157770**
8. **3472327**
9. **77037213**
10. **77584317**

Dispela wik bai laspela wik bilong Bek Tu Skul promosen we tenpela wina bai mipela i droim, na Telikom bai droim tu wina bilong bikpela prais, em i leptop na wanpela intanet dongel i gat 300Mb.

**TELIKOM NSL SISEN 2013**

Nesenel Soka Lig Sisen i on gen long 2013, na yu ken wanpela long tripela wina long winim wanpela ritin tiket i go long lukim Manchester United FC i pilai agensim A-League stas bilong Australia long mun Julai long Sidni, Australia. Spendim K200 o moa long baim wanem ol Telikom prodak long wanem ol Telikom Bisnis Opis na go insait long dro long winim:

- Wanpela Gem Pas;
- Wanpela Riten Tiket i go long Sydney;
- Rum slip bilong tupela nai; na
- Travel Alawens mani

Bringim famili na amamas wantaim wanpela gutpela gem Soka long Sir John Guise Stadium long Pot Mosbi, o Ignatius Stadium long Lae. AIM HAI!

**19t/MB**

Amamasim 19 toea of-pik intanet ret namel long 7kilok nait, na 7kilok moning.

**Fri 300MB Daunlod**

Baim wanpela intanet dongel bilong K99.00 na kisim FRI 300mb Daunlod.

**4G WiMax ofa**

Kisim 1GB FRI Daunlod olgeta taim yu baim wanpela 4G WiMax long K499 na lukim spid bilong 4G WiMax long PNG

**Long save moa, ringim 24/7 Kas-toma Kea long 3456789.**



# Mobail Skwat mas lainim skul

**Bustin Anzu i raitim**

OL Mobail Skwat Komanda bilong Royal Papua Niugini Konstabuleri (RPNGC) mas go kisim sampela save long Intanesenel Komiti bilong Red Kros or ICRC (International Committee of the Red Cross) long save long wok bilong human raits insait long kantri.

Ol mas kisim skul long we long abrusim birua bilong human raits long taim ol i save go aut long stopim ol hevi we save kamap long ol pipel o ol wan laik pisin yet.

Long planti ol lo na oda hevi, ol mobail skwat i save go pas long stopim ol pait na birua wantaim ol wanpisin na ol raskol. Ol narapela lain bilong polis i save go bihain tasol ol mobail skwat em ol lain long fran.

Long wanpela wik bung we i kamap long Kumul Lodge long boda bilong Westen Hailans na Enga, ol sinia polis opisa bilong Hailans rijen i bin luksave olsem wok bilong ol long paitim ol manmeri, sampela taim ino save gutpela tumas.

Bos bilong polis na sikuriti fos long Asia Pasifik rijen John Erik Jensen, husat i save stap long Kuala Lumpur, i tok planti taim ol i save mekim gutpela wok long daunim hevi bilong lo na oda tasol wan wan taim, ol i save abrusim mak. Na dispela i save kamapim nem nogut long ol yet.

“Olgeta taim yupela mas was aut long dispela. Olgeta gutpela wok bilong yupela i ken go daun sapos yupela i no was long ol lain bilong yupela taim yupela bungim hevi bilong lo na oda. Yupela mas save olsem i gat lo i stap long banisim ol dispela pasin bilong mekim nabaut long pablik,” em i tok.

Long dispela miting tu, ol sinia polisman i tok olsem ol mobail skwat i save go pas long dispela na ol komanda bilong ol mas go long dispela kain woksop na lainim moa o planti lo bilong dispela.

Ol polis i lainim tu olsem i gat lo o we bilong helpim ol turangu lain bilong ol bikpela hevi olsem trabel pait insait long ples, we ol i ken kamapim sampela kain helpim bilong tupela lain we i stap long pait.

Olpela bos bilong Mobail Skwat long Mendi na nau Polis Stesin Komanda bilong Tari long nupela Hela Provins Inspekta Peter Buka i tok planti taim ol mobail skwat i save go aut long ol bikpela trabel pait na ol narapela birua bilong lo na oda, olsem na ol komanda mas go bung long dispela kain woksop we bai mekim ol i save taim ol i kisim ol membas bilong ol i go aut.

Buka, husat i mekim wok bilong mobail, pastaim olsem memba na bihain olsem komanda i tok ol i



**OL I BUNGIM TINGTING:** Ol sumatin i toktok long rot bilong daunim hevi bilong paitim manmeri nating.



**OL SUMATIN:** Ol sumatin husat i bung long dispela miting.



**HARIM GUT TRU:** Sampela bilong ol dispela polisman husat i go long dispela bung i putim iau gut tru. *Ol Poto: Bustin Anzu*

save bungim planti hevi long kain wok olsem na ol i laikim dispela trening we bai i gutpela long dipatmen bilong ol.

Narapela sumatin bilong dispela bung na Provinsel Polis Komanda bilong

Simbu Superintenden Augustine Wampe i amamas long lainim plant samting long dispela bung.

Em i tok tenkyu long wok bilong Intanesenel Komiti bilong Red Kros long

kamapim dispela kibung na dispela i givim ol moa skul long lukautim gut ol wokman meri bilong ol long mekim wok bilong ol bihainim lo.

Bos bilong lalibu polis stesin Sinia Sajen John

Kolopa i tok em i laikim kain bung mas kamap insait long polis sevis na ol tu mas skulim ol pablik long wok bilong ol na tu bilong Intanesenel Komiti bilong Red Kros.

# PM: Olgeta wok long Manus senta, Australia i bosim

**Neville Choi i raitim**

PRAIM Minista Peter O'Neill i tok aninit long tok agrimen wantaim Australia, olgeta wok bilong lukaut na prosesim ol asailam sika long Manus Senta, em i stap long Australia. "Aninit long agrimen mipela i gat wantaim ol, olgeta samting i stap long han bilong Australia. Mipela givim ol graun tasol," Mista O'Neill i tok. Em i wok bekim askim long wanpela ripot i kam long

UNHCR, em refuji ejensi bilong Yunaitet Nesens. UNHCR i bin salim wanpela tri-man tim i go long Manus Asailam Senta long mun Januari, na ol i mekim ripot, olsem i gat hevi long sindaun na sait bilong wok prosesim bilong ol asailam sika long Manus kem. Planti ol dispela rekomen des en UNHCR i givim, i sut long gavman bilong PNG, na Australia, long karimaut, bilong gutpela sindaun na laip bilong ol asailam

sika. Tasol Mista O'Neill i tok, olsem olgeta samting PNG Gavman i tok long mekim long dispela senta, aninit long tok agrimen wantaim Australia, ol i mekim pinis. "Olgeta samting insait long dispela ripot bilong UNHCR, mipela i salim i go pinis long Australia gavman, na nau, em i samting bilong Australia gavman bilong luksave na stretim kwik," Mista O'Neill i tok. Em i tok em i nogat wari

# PNG Manus gavana i tok tok long Australian ditensan senta

MANUS Gavana Charlie Benjamin i autim sampela wari bilong em long Australia gavman long asailam ditensan senta long ailan.

**Em i tok ol samting Manus i bin askim long i kam long Australia gavman, oli no lukim.**

Long wik igo pinis, PNG Nesenel Kot i bin tok orait long ol loa bilong Oposisan lida, Belden Namah, ol i save go long asailam sika senta bilong Australia long Manus ailan na tok tok wantaim ol asailam sika na givim advais long lo sapos ol i laikim.

Gavana Benjamin i tok em i no klia blong wanem as na gavman na oposisen i wok long pait long Ditensan Senta long Manus.

Em i tok em i nogat wari



**MIPELA TOKSAVE PINIS:** Praim Minista Peter O'Neill i tok klia olsem ol wok stretim long sindaun bilong Manus Senta, em Australia yet bai mas mekim. *Poto: Neville Choi*

long asailam sika ditensan olsem em i sapotim gavman wantaim tu Australia. senta ong Manus, na man em i sapotim PNG

# Kokopo man kisim 40 yia kalabus long kilim brata

**Michael Novingu i raitim**

KOKOPO Nesenel Kot long las wik i givim mekimsave long wanpela yangpela man bai go kalabus long foapela ten (40) krismas long Kerevat haus kalabus long ENB. Jastis Salatiel Lenalia i painim David Bani i asua long kilim brata bilong em Hubert Valavala long Disemba 14, 2011 long nambis bilong Nodup long Rabaul distrik. David Bani krismas bilong em namel long 20 na 25 bilong ples Nodup long Rabaul distrik long ENB. Jastis Lenalia i tok olsem kain pasin bilong kilim man i kamap planti long kantri. Moa yet, em i tok 'mi mas salim yu go kalabus wantaim bikipela mekim save bikos yu sotim laip bilong arapela man'. Em i tok kot i sanap strong long ol tok tok bilong tripela ai witness i stap long hap, taim Bani kilim brata bilong em Hubert long nambis bilong Nodup. As bilong Bani kilim kasen brata bilong em Hubert Valaval bikos em i slip wantaim mama o anti bilong em na i karim wanpela pikinini meri. Kokopo Nesenel Kot i harim olsem Bani wantaim foapela mangi

wetim Hubert long nambis bilong Nodup, taim em i kam bek long painim pis long solwara. Kot i harim tu olsem Bani kisim wanpla hap stik na paitim em long han kais sait bilong bel bilong em i kamapim dai bilong kasen brata bilong em. Jastis Lenalia i tok ol piksa i soim long kot i soim olsem bikipela kat i stap long bel bilong em i brukim rop bel bilong i kamapim indai bilong em. Em i tok i tru Valavala i asua long slip wantaim mama bilong Bani husat i anti bilong em. Moa yet dispela asua ol i no kisim i go long kot long painim olsem Valavala i asua long slip wantaim mama bilong Bani. Jastis Lenalia i tokim Bani olsem dispela hevi yu inap stretim wantaim kasen brata bilong yu long trupela na stretpla pasin tumbuna bilong mipela long ples, yu asua long kisim loa long han bilong yu i no stret. Em i tok ol manmeri mas save olsem mipela i gat pasin tumbuna bilong mipela long stretim ol kain hevi long hauslain bilong mipela. Moa yet em i tok pasin bilong kilim man long stretim hevi i no stret na mi mas salim yu go kalabus.

OL LAIN husat i save halvim ol refuji i tok sampela asailam sika long Nauru senta i somapim maus bilong ol long protes. Dispela Refugee Action Coalition i tok moa long 12-pela long ol i mekim hanga straik o i no laik kaikai, na 4-pela long ol asailam sika i somapim pasim maus bilong ol. Mausman bilong dispela Refugee Action Coalition, Nick

# Asailam sika long Nauru i somapim maus

Reimer, i tok ol pipel ya i painim olgeta samting long stap bilong ol long hap i hat tru. Em i tokim olsem, ol lain i protest agensim we ol i tritim ol...na ol arapela asailam sika husat i stap insait long Australia yet i kisim tok orait pinis ia i stap insat long komyuniti. Mista Reimer i tok tu olsem ol i stap tasol na i no save wanem samting bai kamap long aplikesen bilong ol long kam stap long Australia.

Dipatmen bilong Imigresen bilong Australia i tok em i tru ol i somapim pasim maus bilong ol, tasol em i tok i no gutpela long tok tok moa long dispela nau. Ol 4-pela husat i pasim maus bilong ol i kam long Iran. Ol i somapim maus bilong ol bihain long 3-pela lain long kalabus senta i ronwe, na bihain ol polis i lukim ol na kisim ol i go bek long senta.

**Fres Wara:** Ol kominiti na Sumatin bilong Kudjip i kisim fres wara kam long nupela tenk bilong ol we PNGSDP i givim ol. *Poto Nicky Bernard*





**FM100**  
PNG's Information & Music Leader

## BEYOND BOUNDARIES

### EVERY SUNDAY 6PM - 6.30PM

THIS WEEK'S TOPIC:

**"DISASTER RELIEF FUNDS FOR PROVINCES, IS IT BEING USED FOR TANGIBLE BENEFITS ON THE GROUND?"**

Text 1600

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAUL 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NGO 100.3	RAMU 100.3	TOLLIKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPIRIK 100.8	MT. HOREATOA 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMALMAL 100.8	TARI 100.5	WAI/BULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8

# Pren bilong olgeta, na no birua bilong wanpela

*Laip long dispela militari level em i olsem tupela o tripela dok i wok lukluk na putim was long wanpela bun. Na taim wanpela i traim long kisim bun, olgeta arapela i sanap redi long pait na stopim em tasol.*



**DISPELA hap tok, em i as tok bilong foren polisi bilong Somare gavman long taim bilong 'self gavman' long eli 1970s, pastaim long kantri i kisim independens. Na long dipsela taim, foren minista bin leit Sir Ebia Olewale. Mipela i harim stori olsem gavman nau i bihainim dispela hap tok tu olsem as bilong foren polisi bilong en, long Alotau, pastaim long fomesen bilong gavman las yia.**

Foren polisi bilong gavman em i as tru bilong domestik polisi i stiaim pasin poroman wantaim wanpela arapela kantri. Na wantaim ol kain kain pasin bilong laip long intanesenel sindaun, em I wanpela bikpela subjek tru long toktok long en, olsem na yumi no inap yusim wanpela kain bikpela het tok olsem dispel antap, olsem wanpela foren polisi, na wok-abaut aipas i go insait long ples bilong pilai. Wanwan subjek bai nidim kain kain tritmen na luksave, na i no inap long pundaun aninit long wanpela tok tasol, na lus tingting long en.

Olsem tasol, ol intanesenel wok aninit long Merchant Shipping Act bilong 1894 (UK) we mipela i bihainim long taim bilong independens. I gat kain kain ol Konvensen we i hap bilong dispel hap loa, we i askim mipela long bungim aninit long ol domestik loa bilong mipela bilong bihainim. Wanpela askim long dispela taim em long senis long hevi disel (kabon 300) i go long lait disel (kabon 500) we em i gutpela moa long busgraun na wara, na mipela aipas na laisensim InterOil long produsim hevi disel we intanesenel komyuniti i bin lusim long taim yet, na nau ol i yusim lait disel. Ol ensin bilong ol nupela sip tu, em ol i disainim bilong kukim lait disel, na we mipela i sanap long dispel samt-ing, taim mipela i wok long raunimraunim yet i stap na singsing,

"pren bilong olgeta, na no birua bilong wanpela"?

Mipela i stap baksait tru long laik bilong stap wantaim intanesenel komyuniti. Tritis divisen bilong Dipatmen bilong Foren Afes i mas go pas long wok wantaim Dipatmen bilong Jastis na Marin (Solwara) Divisen bilong Dipatmen bilong Trensport long sanapim wanpela wok komiti long glasim gen sanap bilong mipela na wok i go strongim wok komplaiens bai mipela i painim posisen we mipela i sanap long en, wantaim ol intanesenel wok olsem kantri.

Na long sait bilong Difens, mipela i stap we? Mipela i gat wanpela difens triti wantaim Australia, Nu Silan na US, o nogat? Na wanem pasin pren bilong mipela wantaim Indonesia, Singapore, Malesia na Filipins na ol kantri bilong ASEAN long sait bilong Difens? Na sapos mipela i redi agensim wanem kain pasin pait, orait, em bai kam olsem long Wes Papua rebel pait, we Papua Niugini bai mas go insait long pait bikos Papua bai yusim PNG sait bilong boda olsem ples bilong hait na kisim strong.

Dispela em i ples we polisi tude bilong Papua Niugini long luksave long West Irian o Wes Papua olsem wanpela hap bilong Ripablik bilong Indonesia em i gutpela? Taim mipela i pilim pen bilong ol brata Melanesia long hapsait bilong boda, histori bilong mipela i tok, na mipela i mas luksave olsem Ripablik bilong Indonesia i gat strong moa long teritori bilong en, we i karamapim tu West Irian na dispela luksave i mas is tap long intanesenel level, na tu, domestik level.

Tasol dispela i no min olsem mipela i mas pilai olsem wanpela aipas long sait bilong ol hevi Indonesia i givim long ol turangu pipel bilong West Irian.

Sapos mipela i lukim evidens long paul pasin ol i mekim long ol dispela pipel, mipela i mas sanap long wanpela sait tasol, bihainim trupela bel na tingting, na i no long UN Sata bilong Humen Raits tasol. Em long asples bilong yumi stret, we ol brata Melanesia bilong mipela em mipela i no inap long kisim birua na hevi, na mipela i mas tokaut long belhevi mipela i gat.

Olsem na pren pasin bilong mipela wantaim Indonesia em i

triki liklik, bikos i nogat narapela nem bilong en. Olsem na wanem samt-ing mipela i mekim, i mas bihainim planti tingting na graunwok bikos subjek em i ken pulim bikpela hevi. Indonesia em i kantri i gat planti tausen ailan we bikpela bilong ol i no winim Nu Briten o Nu Ailan, olsem na loa na strong bilong ol dispela ailan i nogat namba bilong en. Na long Filipins, ol i gat wankain hevi na dispela i strong moa long ol kros ol Moslem i mekim long wanwan ol liklik ailan.

Samting ol dispela toktok i mas tokim mipela em, wanpela wan-solwara bilong mipela is tap long 'militari alet' o i save redi tasol long eksen na daunim wanem kain kros na pait tingting i kamap long wanwan ol grup.

Lukluk long Japan, Saina, na Saut Korea na lukim wanem i save kamap taim wanpela fising bot i plaim wanpela nesenele flek na nevi bilong narapela kantri i go antap long en na arestim ol fisaman. Laip long dispela militari level em i olsem tupela o tripela dok i wok lukluk na putim was long wanpela bun. Na taim wanpela i traim long kisim bun, olgeta arapela i sanap redi long pait na stopim em tasol.

Tru tumas, stretpela tingting bai tokim mipela ol lain i sanap lukluk long sait, olsem em bai mobeta sapos ol dispela kantri i bung wantaim long tok paitim wanpela triti long luksave long ol ailan olsem i gat gavman i lukautim ol, na sapos ol i painim wel o arapela netseral risos, bai ol i wokbung long rausim long graun, na tilim ol winmani bilong en. Tasol ol dispela develop kantri no save laik sindaun na tokpaitim. O li laik pait na win tasol. Maski long manimak bilong pait bilong ol?

Yu bai laik askim: Olsem wanem long manimak bilong en? Tasol manimak em i no wanpela samt-ing. Samting we i bikpela, em "nesenele praid o bilip long kantri" bilong wanwan ol kantri na ol bai go long bikpela pait tasol long liklik kantri na i nogat wanpela kostim bilong en.

Planti long mipela i ritim long buk na lukim long ol muvi piksa o TV skrin long ol Kamikasi pailot bilong Siapan i save kresim balus feita balus bilong ol long bikpela woa sip bilong Amerika long Seken Wol Woa.

Sapos dispela em i kain tingt-

ing bilong ol pipel mipela i wok pren wantaim, orait, mipela i mas was gut long wanem kain samt-ing mipela i wokbaut i go long en taim mipela i kamapim pasin pren wantaim ol long domestik na intanesenel level. Yumi mas skul gut long histri bilong ol, kalsa bilong ol, wanem ol lotu ol i bihainim, ples ol i stap long en, bai mipela i save gut long ol, na wanem samt-ing i save laitim paia long bel bilong ol.

Yumi gat wanpela kain oge-naisesen i stap olsem Indonesia Think Tank olsem hap bilong military na foren afes bilong en? Nogat. Yumi nogat. Mipela i ting olsem mipela i mas lukluk gen long Nesenele Risets Institut (NRI) na kamapim insait long NRI, wanpela oge-naisesen i ken mekim dispela wok bilong toksave long mipela na ol pipel, long ol arapela kantri mipela i save toktok na wok wantaim.

Long Saina, husat em i namba wan bikpela treding patna mipela i gat nau, mipela i mas mekim. Ol Saina i mekim gut long kantri bilong yumi, na i gat planti gutpela as wok bilong ol. Saina i go pas long halivim kantri long sait bilong givim mani na bildim ol bikpela infrastraksa projek olsem Sir John Guise Spot Kompleks long Waigani. Ol dispela bikpela samt-ing bilong wok halivim na bilong "lukim na bilip", planti manmeri i lukim ol dispela ol 'presen' watnaim tok tenkyu na luksave long ol Saina na i gat strongpela wanbel tingting pren wantaim ol Saina manmeri long olgeta sait.

Taim yu lukluk long histri bilong mipela long ol Yurop kantri, mipela i lukim tu olsem Saina man i sanap namel long ol na klinim ples bilong waitman. Olsem na i gat sampela kain pasin pren i stap wantaim saina-man. Na long sait bilong komyuniti, i gat gutpela pasin pren namel long ol Papua Niugini na Saina manmeri.

Tasol hamas stori tru long Saina, yumi save long en? Saina em i no wanpela lain manmeri tasol. Ol i gat kain kain man husat i kam long kain kain ples na stori, na kain kain kalsa, na ol i sanap aninit long wanpela ambrela. Na wane mi mekim Saina long mak em is tap nau? Na taim yumi stat prenim Saina wantaim Look North Polisi, mipela bin redi long ol samt-ing yumi gat nau?



NUPELA NES BOT: Ol nupela PNG Neses Asosiesen Bot memba wantaim Helt Minista Michael Malabag bihain long ol i wokim tok promis. *Poto: Nicky Bernard*

# PNG Neses Asosiesen gat ol nupela bot memba ...Rijistaim ol nes

**STRONGPELA** toktok i go long ol nupela memba bilong PNG Nosing Kaunsel (PNGNC) long mekim gut wok bilong ol na tu, stretim rejistresen bilong ol nes na ol i ken skruim wok long sevim pipel.

Helt na HIV na AIDS Minista, Michael Malabag i tok olsem long dispela wik Tunde insait long seremoni we ol nupela bot memba i bin mekim tok promis long wok ol bai mekim.

Sikspela memba ol bin

kisim bek sia em long Dokta David Mokela, Sister Mary Kililo, Sister Susan Nalu, Sister Eunice Laim, Sister Marlene Dewar na Sister Eimi Kaptigau. Tripela nupela memba ol i kam insait em long Peter Pindan, Joseph Sika na Frederick Kebai. Nainpela posisen ya i gat ol wan wan memba ol i makim long sanap olsem mausman taim ol memba i no stap.

Taim Mista Malabag i tok amamas long ol nupela

PNGNC Bot memba, em i tok Helt Dipatmen i gat sot long ol wok manmeri olsem ol nes na bot i mas wok wantaim long stretim dispela hevi na ol narapela hevi insait long dipatmen.

“Mi harim olsem long planti yia, kaunsel i slek long rijistaim ol nes. Olsem ol kaunsel memba, yupela i mas save long ol hevi long sait bilong helt long kantri.

“Dispela em long sot long ol wok manmeri. Olsem na yumi mas kamapim gutpela

environmen long ol manmeri i ken kam na wok.

“Yumi mas rijistaim ol nes long taim stret, na ol i mekim wok bilong ol long helpim pipel bilong yumi, “ Mista Malabag i tok.

Em i tok em bin rausim ol haus sik bot na kaunsel long sampela provins bikos ol no mekim gut wok, na em i laikim ol pipel long PNG i kisim ol besik helt sevis.

Mista Malabag i tokim ol nupela kaunsel memba long mekim ol wok bilong ol bi-

hainim loa.

Long wankain taim, ol woklain bilong Angau Memorial Haus sik long Lae, Morobe Provins bai givim wanpela petisen i go long Morobe Provinsel Gavman long ol samting i karamapim ol na moa yet, sekyuriti bilong ol.

Dispela i bihainim pasin we 4-pela man i bin repim o bagarapim wanpela nes long Angau haus sik long dispela wik.

Bihainim dispela pasin, ol

woklain bilong haus sik i bin stopim sampela operesen o sevis na larim tasol ol sevis we ol lain i slip long haus sik, ol imejensi dipatmen, ol mama i laik karim, ol daiman na funerel arenjmen i go het.

Pablik i kros long dispela pasin i kamap na ol bai helpim polis long painim ol man nogut ya.

Wanpela long ol saspek long rep i givim em yet long ol polis long dispela wik Tunde taim tripela i ron awe nah ait yet.

## Rurel eid pos nidim helt patrol

James Kila i raitim

PLANTI ol rurel eid pos insait long PNG i sot tru long ol medikal saplai olsem marasin na ol arapela samting long helpim ol long mekim wok bilong ol long oraitim ol sikman meri na pikinini long ol rurel ples.

Wanpela APO (eid pos odeli) bilong Sangapi insait long Simbai eria long Midel Ramu distrik long Madang provins i mekim dispela tok-tok long dispela wik.

Nem bilong dispela APO em Martin, na dispela helt wokman i kisim Misinari

Eviesen Felosip (MAF) balus long eria bilong em i go olsem long Mt Hagen na bihain kisim PMV bais na peim klostu K80 olgeta na go olsem long Madang long lukim ol lain long Provinsal Helt Opis long givim saplai bilong marasin long em i karim i go long Sangapi.

Em i tokaut olsem long pastaim tru i save gat ol rurel helt patrol i go long rurel eria bilong ol. Tasol dispela i stop pinis na turangu ol manmeri na ol APO husat i sapos long givim sevis long ol pipel i kisim hat taim tru.

Em i tok dispela eria olsem Simbai long Midel Ramu em

klostu long Jimi long Westen Hailans na planti taim ol APO i save kisim balus bilong MAF i go long Mt Hagen na bihain kisim PMV na bihainim longpela rot em Hailans Haiwe i go long Madang na kisim ol marasin long eria medikol stoa long Madang na bihainim seim rot i go long Hagen na kisim balus na go long Sangapi.

Em i mekim bikpela askim i go long Memba bilong Midel-Ramu, Tommy Tomscoll na tu Gavana bilong Madang, Jim Kas long toktok strong long kamapim gen rural helt patrol long Midel Ramu.

## Nupela Hai Komisina bilong Australia long Papua Niugini

FOREN Minista Bob Carr i tokaut long las wik olsem, Deborah Stokes em i nupela Australia Hai Komisina long Papua Niugini.

Misis Stokes bai i kisim sia bilong em long mun Mas 2013, na em i kisim ples bilong Ian Kemish em pastaim Hai Komisina bilong Australia.

Misis Stokes em wanpela sinia opisa wantaim ol Dipatmen ov Foren Afeas na Tred, na tu bosmeri bilong ol Dipatmen Intenesenel Ogenaisesen na Ligal Divisen.


Bipo em i wok olsem Australia Embaseda long Austria

na Pemenen Representiv long Yunaited Nesen long Vienna olsem Deputi Bos bilong Misen long Embasi bilong Australia long Tokyo.

Pastaim Stokes em bin holim posisen bilong Australian Embasi long Yangon wantaim Yunaitet Nesen Di-velopmen Program long Nu Yok, na tu save wok wantaim ol AusAID.

Misis Stokes i gat Basela ov At long Yunivesiti bilong Adelaide, na Masta ov Pilosopi long Yunivesiti bilong Kembris.

Australia i gat wok komit-



**NUPELA HAI KOMISINA:** Deborah Stokes i nupela Hai Komisina bilong Australia long PNG. *Poto: Australia Hai Komisin*

men long developmen bilong Papua Niugini.

# Glasm gut ol man pastaim long marit

MOABETA ol yangpela meri i lukluk gut pastaim ol i poromanim ol man na marit, bosmeri bilong Welfe wantaim Nesenel Kapitel Distrik Famili Sevis, Ronnie Mamia i tok.

dispela asua long ol meri, pikinini na famili bilong ol.

Misis Mamia i tok tru, ol i luksave long ol rait bilong ol meri na disisen bilong ol, tasol ol meri i mass tap insait long gutpela poroman wantaim ol man na bihain, ol no inap long bungim ol famili hevi we ol man i lusim ol na ol pikinini.

Em i tok planti yangpela meri long tude i gat ol pikinini long ol man i gat ol meri na ol narapela gelpren bilong ol.

Na tu, tai mol man i paitim ol meri bilong ol na ol i singautim polis, ol i no save mekim samting tumas long helpim ol bikos ol i tok dispela em samting bilong famili.

Misis Mamia i tok em i moabeta long ol yangpela meri i harim toktok long ol mama-papa bilong ol, yusim gut het na tingting na ol bai abrusim planti ol hevi olsem.

Em i tok yumi stap long nupela taim na ol papamama i noken pret o sem long toktok na givim ol stiatok long ol pikinini meri bilong ol long pren pasin, marit, lukautim gut bodi bilong ol na long noken raun wantaim ol marit man.

Misis Mamia i tok strong long ol atoriti long lukim olsem ol papa bilong ol naitklab i bihainim gut ol leba na emploimen loa bilong dispela kantri taim ol kisim ol yangpela meri long wok.

# Wari long kilim dai ol meri ... Loa mas wokim samting

**WANPELA yangpela mama gen na liklik pikinini bilong em i gat 4-pela krismas em ol bin kilim long Kagua Distrik, Sauten Hailans long las wik.**

Katlina Rusa bilong ples Porane long Mirupa wanpisin long Kagua Distrik na pikinini bilong em i bin dai bihain long ol birua bilong man bilong em long Palisarepa wanpisin bilong Pawayamo na Mui Wanpisin bilong Usa eria long Aiya Lokol Level Gavman (LLG) eria bilong Kagua Distrik i bin kilim dai na katikatim Katlina. Pikinini mangki i bin dai bihain long em i lusim planti blut bikos ol man i bin sutim em tu.

Birua i bin kamap long las wik taim meri i wok long go long Mendi wantaim man na pikinini bilong ol na ol bin bihainim Ibia Warabum Rot, na ol

man i no wari, tasol ol i go na katkatim em i dai.

Wanpela biknem loya long kantri na kasen bilong nau i dai Katlina Rusa em Lapan Lims Mirupasi i askim loan a oda na gutpela sindaun i stap we nau?

Em i tok planti toktok i kamap long tambuim ol strongpela dring i go long Sauten Hailans, ol graun i brukim seremoni, lonsing bilong ol nupela projek na moa, Kagua Distrik i wok long bagarap stret long ol naturel disasta na kilim dai narapela man.

Mista Mirupasi i askim ol komyuniti lida bilong Aiya i stap we, wantaim tu ol kaunsela, ol presiden na Palamen memba bilong hap.

Mista Mirupasi i tok dispela pait i stap nau long 6-pela krismas nau na bikos planti manmeri na pikinini i dai pinis, planti

samting bilong pipel i lus na tu, ol i bagarapim, yumi noken pasim ai i stap long ol dispela kain kilim dai narapela manmeri i wok long kamap planti long provins, ol n arapela provins na kantri.

Em i tok i gat liklik lain polis i stap long Kagua i nogat ol kar na ol narapela samting long helpim ol i mekim wok bilong ol na olgeta hap bilong Kagua Distrik i wok long gat ol kain kain hevi na kilim dai narapela.

Mista Mirupasi i singaut nai long memba bilong Kagua em James Lagea, Gavana William Powi, Provinsel Polis Komanda na Polis Komisina long hariap na salim wanpela polis yunit i go long Kagua Distrikna kontrolim na stopim ol dispela birua long kilim dai long Leniata long em.

Mista Mirupasi i kros na

tok sapos ol loaman i no wokim wanpela samting nau, Kagua bai kamap olsem ples bilong pait.

Long wankain taim, ol ripot i tok tupela brata na susa i kamap long ai bilong kot long stap insait long kilim dai bilong yangpela mama, Kepari Leniata ol bin kilim na kukim i dai long Hagen taun tupela wik i go pinis. Janet na Andrew Watea nau i stap long Baisu Haus kalabus long Westen Hailans na i wok long go long kot long sas long kilim Leniata.

Long ol ripot, Provinsel Polis Komanda Superintenden Martin Lakari i tok ol polis i karimaut yet wok painim na ol bai holim pasim moa saspek long dispela we i gat long em papa bilong pikinini i bin dai na ol i mekim tok sut long Leniata long em.

# YWCA kisim gutpela mani helpim

OGENAISESEN i save helpim ol yangpela na ol narapela meri long komyuniti na kantri, em Yang Wimens Kristen Asosiesen (YWCA), i ken karimaut sampela ol wok bilong ol, na tenkyu i go long wanpela akaunting kampani i donetim K12,500 i go long oge-naisesen long dispela wik.

dispela manimak i go long ol.

Jenerel Sekreteri bilong YWCA, Kila Amini i tok tru, oge-naisesen bilong em i no save mekim winmani, ol i laikim mani long peim ol woklain, karimaut ol wok mentenens tai m ol samting insait lon g haus na bilding i bagarap na ol kain samting moa olsem.

Samting olsem 80 singel meri i save stap long YWCA. i gat tu ples we ol i save lukautim ol liklik pikinini na tu, literesi klas.

YWCA i save ranim ol somap, kuk na buk kiping klas.

I gat plen o tingting long bildim wanpela hostel bilong ol singel mama, Misis Amini i tok.

# Kalabusim Melbon mama long dai bilong bebi

WANPELA mama bilong Melbon we tuhat i kilim dai liklik bebi bilong em taim em i larim em insait long kar i hotpela insait bai stap long kalabus long 9-pela mun tasol.

de taim tpretja o tuhat mak i go antap long 41.5 digris Selsius.

Jastis Betty King i bin tok tru, Nguyen i no bin minim long kilim dai bebi bilong em, em bin kisim planti tok lukaut long ol famili bilong em long samtingnem i save mekim planti taim, na ndispela em long lusim bebi insait long kar long slip.

Jastis King i bin tok mekim save ol i givim Nguyen i no bikpela, dispela bai larim Nguyen long senisim pasin bilong em, tasol samting em i wokim bai kamapim hevi long em bikos em bai no inap lusim tingting long asua em i mekim na pikinini bilong em i dai.

Tasol pasin em i wokim bai givim em mekim save long laip bilong em inap em i dai, ol ripot i tok.

Suprim Kot long Victora i bin putim Michelle Nguyen i gat 21 krismas long 4-pela yia krismas, taim em bin toke m i gilti o pasion em i wokim i rong long kilimn dai liklik bebi gel bilong em i gat 10-pela mun.

Bebi i bin dai long Novemba 2011 bihain long mama i lusim em insait long kar long hotpela

# Raun lukim ol meri na pikinini




**HATWOK KARIM KAIKAI:** Jusinta Biko i wanpela long tupela meri i bin mekim gut stret long skul bilong Eskaveta Opereta namel long moa long 60-pela yangpela man na meri i bin sindaun long 6-pela mun kos. Helt Minista Michael Malabag i bin go pas long projek na em i karimaut dispela yut developmen projek wantaim FTRA em nesenel trening kainsel i karimaut wok trening na kisim pipel long wok, Justina i kisim prais long Mista Malabag. **Poto: Nicky Bernard.**



**AIYOO! MERI PAWA:** Yu ting wan em, ol dispela yangpela meri i bin soim stret strong bilong ol long dispela wik Tunde taim ol i go pas long wokim mas past pastaim long greduesen bilong pri Vokesenel Eksaveta Operesens Trening long Hohola, Pot Mosbi. **Poto: Nicky Bernard**





# POP BENEDICT i ritaiia

## Bai mi stap klostu long yupela, Pop tok

# AS TRINDE

KATOLIK Sios long olgeta hap bilong graun i bin statim taim bilong Len long As Trinde.

Planti manmeri i bin bung wantaim long haus lotu, wokim Lotu Misa long makim stat bilong taim bilong Len, long tingim bek 40-pela de Jisas i bin stap long ples nating long wokim prea na tambu long kaikai.

Insait long Hanuabada Peris, mipela i bin selebretim As Trinde long 13 Februari 2013, na long Fraide, 15 Februari 2013.

Olgeta sumatin na tisa bilong Sen Michael Elementeri na Praimeri Skul i kisim sit bilong paia long Santu Misa.

Long Sarere nait, manmeri i wok long LNG Kem long Papa Lealea, i kisim sit bilong paia long Santu Misa.

Na long Sande 17 Februari 2013, manmeri i no bin kam long As Trinde na Fraide, i gat taim bilong ol long kisim sit bilong paia. Dispela em i mak bilong statim taim bilong Len, taim bilong tanim bel na wokim moa prea.

Wanpela pren bilong mi long Facebook i bin stori long Facebook bilong em olsem, long As Trinde, olgeta sumatin long skul we em i tis, i gat taim bilong ol long kisim sit bilong paia.

I no ol Katolik tasol. I gat Muslim, Hindu, Kristen na Katolik, olgeta i joinim lotu na kisim sit bilong paia.

Tisa bilong ol i tokim ol pinis long wanem mining bilong sit bilong paia.

Em i wanpela selebren long helpim yumi long tingim olsem, God i wokim yumi long graun, na wanpela de yumi bai go bek long graun.

Bihain long kisim sit bilong paia long poret bilong ol, sampela sumatin i lap na lukluk long poret bilong pren bilong ol na i tok; "Poret bilong yu i deti", na lap "hihihihihi.....".

Bihain pren bilong em tu i tok, "Poret bilong yu tu i deti", hihihihihihihih,iiiiii.....

Tasol sampela sumatin husat i klia gut long mining bilong sit bilong paia, i sindaun na prea na reflektim mining bilong sit bilong paia long laip bilong ol.

Liklik stori bilong sumatin hia i soim yumi olsem, planti taim yum i no luksave long deti i stap long poret bilong yumi.

Em i isi tasol yumi lukim deti i stap long poret bilong pren bilong yumi.

Planti taim yumi poinim pinga i go long narapela manmeri...yu manmeri nogut. Yu i gat planti rong istap. Yu gat sin.

Tasol long wankain taim, yumi i no save olsem wankain rong o sin i stap long narapela, em i stap insait long yumi tu.

Olsem sumatin long stori antap, i lukim deti/sit bilong paia i stap long poret bilong pren bilong em, tasol i no save olsem long poret bilong em yet tu i gat sit bilong paia i stap, poret bilong em yet tu i deti.

Em i pasin bilong yumi manmeri bilong graun. Isi long yumi i lukim rong bilong narapela, tasol rong bilong yumi yet, yumi i no inap lukim.

Taim bilong Len em i taim bilong stap isi na lukluk i go insait long yumi yet. Painim aut wanem samting i gutpela na wanem samting i nogut i stap. Dvelopim gutpela samting na rausim samting nogut.

**LONG** las Sande, Pop Benedict 16 i bin wokim belotaim lotu wantaim moa long 100,000 pilgrim o ol gutpela bilip manmeri husat i bin bung long Sen Peter's Skwea long lukim Pop pastaim em i pinis long wok olsem hetman bilong Katolik Sios long Februari 28, pinis bilong mun.

Planti i bin autim bel sori bilong ol olsem em bai risain na dispela i bin stap long ples klia long ol raiting sampela i bin gat olsem "Bai mipela i misim yu" na singaut "Pop bai stap longpela taim".

Pop i gat 85 krismas i bin tok tenkyu long ol bilip manmeri long prea na sapot bilong ol.

Long tingting bek long Lent we sios i save statim wantaim putim ol As o sit bilong paia long ol bilip manmeri long As Trinde, Pop Benedict i bin tokim ol gen long Holi Sisen we i taim bilong senis na redi long Ista.

"Sios husat i mama tisa i singaut long olgeta mema bilong em long glasim na skelim ol gen long spirituel sait na putim ol yet klostu long Bikman. Long mekim dispela, ol i mas daunim mi pasin na soim laik pasin long ol narapela," Pop Benedict i bin tok.

Em i tok long Yua bilong Bilip, Ista em i gutpela taim long painim gen bilip long Bikipela



Pop Benedict 16

olsem astingting long laip bilong yumi na sios bilong em.

"Dispela i min olsem bai yumi mas bungim taim bilong hevi na pait long spirituel sait bikos devil o satan i save go agensim pasin santu na i laik stopim yumi long bihainim rot i go long God. Olsem na long namba wan Sande bilong Lent, olgeta taim yumi save harim stori bilong satan i traime Jisas long deset o ples i wasan nating," Pop Benedict i tok.

Em bin skruim moa toktok long traime bilong Jisas na piksa bilong sios na yumi wan wan.

Bihain long Angelus i pinis, Pop Benedict i bin toktok long ol pilgrim long ol wan wan tokples na em bin autim tok tenkyu bilong em long sapot na lav bilong ol long em, stat yet long taim nius long risain long wok bilong em i kamaul long ples klia Isas wik Mande.

Taim em i toktok long ol bilip manmeri i save tokples Spein,

em bin askim ol long skruim preia bilong ol i go moa yet long helpim em, na tu, wankain long nupela pop bai ol kadinel i makim em long kisim ples bilong em (Pop Benedict).

"Mi askim yupela long skruim preia bilong yupela long mi, na long nupela pop we ol bai makim klostu taim, na ol spirituek eksasais i bin stat long dispela nait."Wantaim bilip na hop, mipelai putim Sios long lukaut bilong Santu Maria," Pop i bin tok.

Narapela taim we Pop bai kamap long publik em long Sande, Februari 24.

Long wankain taim, Pop Benedict 16 i bin bung wantaim ol pater long Daiosis bilong Rom olsem ol i save wokim olgeta yia. Tasol long dispela taim em bin narakain bikos Pop Benedict i putim risain toksave bilong em pinis.

Taim em i wokabout i go insait long Paul 6 Hal, ol pater i bin wokim bikipela klep na tok welkam.

Na em bin tokim ol olsem,"Tenkyu long laik pasin bilong yupela long na long Pop".

"Mi wok long go, tasol bai mi stap klostu long yupela long preia, na mi bilip olsem bai yupela stap klostu long mi, maski bai mi hait long wol," Pop Benedict 16 i bin tok.

# Eben Yut Emploimen Projek wokim glasim

SEN Charles Peris Lwanga long Gerehu insait long Nesanel Kapitell Distrik long dispela wik i lukim planti yut long Mosbi siti i yusim peris hal long karimaut skringing sevei wok i go het long PNG Eben Yut Emploimen Projek (PNG EYEP).

Lwanga Peris i wanpela long ol ples we dispela projek PNGEYEP i makim long holim skringim o glasim ol yut long kisim ol long wok i kamap long en.narapela tupela ples em Sen Martin's Angliken Sios long Is Boroko na Morata Kristen Laip Senta.

Ol biknem kampani olsem Dijisel, PNG LNG Projek, Benk Saut Pasifik, Wol Benk, Nesanel Kapitell Distrik Komisin, Gavman bilong PNG na narapela tupela moa bikipela kampani i sapotim na givim ol manin helpim na ol risos bilong ol long kamapim dispela woksop bai pinis long tude.

Projek hia bai helpim ol yut husat i bin skul tasol ol i no inap long skruim skul na ol i raun stap nating.

Dispela em i wanpela bikipela projek ol bin lonsim long las yia, na planti tausen yut insait long Mosbi siti bai go insait long em na kisim ol gutpela helpim na wok long lukautim ol yet, ol famili na komyniti bilong ol.




OL WOK REDI: Ol yangpela man na meri i mekim ol wok redi long yut program insait long siti.



GLASIM NA KISIM OL RIPOT: Ol lain i go pas long sevei na skringing wok i glasim ol wan wan yut na ol lain i mekim gut bai kisim wok long dispela Eben Yut program. Poto: Nicky Bernard



**PLANIM:** Ambaseda Hiroharu Iwasaki i planim Moringa Diwai wantaim ol sampela sumatin bilong Porebada Praimeri skul. Dispela diwai i makim gutpela helti pikinini, helti skul na helti kantri. Ambaseda Iwasaki i tok dispela em i marasin diwai we pipel i ken dringim ol lip taim ol i sik na em i save groa hariap. Pipel i lukautim gut diwai ya na em bai helpim ol. **Poto: Embasi bilong Japan.**



**SEKAN:** Ambaseda Hiroharu Iwasaki na Siaman Samson Komati Yuimb i amamas na sekan bihain long sainim ol agrimen. **Poto: Embasi bilong Japan**

# Japan givim moa long 21.5 milian helpim

**Veronica Hatutasi i raitim**

**NUPELA yia i bringim gutpela nius long sampela skul na ol infrastraksa divelopmen wok long sampela provins insait long dispela kantri wantaim moa long 21.5 milian helpim mani i kam long gavman na pipel bilong Japan bai helpim kamapim gutpela divelopmen, na ol sumatin i sindaun gut na kisim gut lainim na save.**

Insait long tripela wik nau stat long Februari 5, Embasi bilong Japan long Pot Mosbi i wok long sainim ol agrimen long ol gren mani bilong helpim sanapim ol klasrum bilong 7-pela praimer na elementeri skul insait long

tripela provins long kantri.

Ol provins we i kisim mani helpim long Gren Asistens long Grasruts Humen Sekyuriti Projeks em long Sentrel provins we Porebada, Lealea na Papa Elementeri skul i bin kisim K312,452.99 long sanapim ol wanpela stori tripela blok klasrum, Jiwaka na Westen Hailans we i kisim K540, 892 long sanapim ol klasrum blok long Rumar, Lee Eby na Wara Waghi Praimeri skul, wantaim tu Kenembo Praimeri skul long Hagen. Narapela em long wara saplai projek long ples Depaiorong long Hagen.

Saining seremoni long stretim na kisim mani bilong mekim ol wok long Jiwaka na Westen Hailans Provins i bin kamap long las wik Fraide, Februari 15, long opis bilong

Japan Embasi long Mosbi.

Embaseda bilong Japan, Hiroharu Iwasaki long taim bilong sainim ol agrimen na givim sekman i bilong ol projek i bin tok dispela ol klasrum bai daunim hevi long spes i sot long ol klasrum na givim sans long ol skul pikinini i sindaun gut na kisim lainim na save.

Long wara saplai projek, Ambaseda Iwasaki i tok dispela bai daunim hevi ol pipel i gat long go painim gutpela klinpela wara na helpim ol i daunim ol sik we dringim na yusim wara i no klin i save kamapim.

Em i tok dispela i kamap moa yet long ol ruel eria, na olsem, dispela long ples Depaiorong bai helpim ol ples lain i gat gutpela laip.

Long aste Trinde, saining

seremoni i bin kamap namel long Gavman bilong Japan na PNG we ol bin stretim na sainim ol dokumen long Gavman bilong Japan it ok oraitim K19 milian bilong stretim ol rot, na K1.6 milian bilong g kisim na tu, kamapim gut ol masin bilong Midia Edukesen.

Projek bilong stretim na wokim mentenens long rot bai kamap long Morobe, Westen Hailans, Wes Nu Briten na Is Sepik.

Projek long ol masin bilong Midia Edukesen bai kamapim gut kwaliti bilong tising na lainim long ol ruel skul na ol bai apgretim ol masin olsem studio kamera, video switsa na monita.

Gavman bilong Japan i amamas long kontribuit long infrastraksa sekta we i stap

long Visin 2050 Plen bilong PNG Gavman.

Gavman b ilong Japan i gat bilip tu olsem dispela saining bai mekim Japan i kontribuit moa long sosio iekonomik divelopmen bilong PNG na tu, strongim moa yet wok pren i stap namel long tupela kantri.

Long makim tripela skul na komyuniti long Jiwaka Provins, Bot Siaman na Projek Menesa bilong PNG Klaimet Senis Faundesen Kampani we bai go hetim ol projek ya, Samson Komati Yuimb i bin autim bikipela tok tenkyu i go long gavman bilong Japan long skruim sapot bilong em i kam long ol pipel bilong PNG.

Em i tok em i sampela yia nau we ogenaisesen bilong em i bin kisim tripela gren

awok i kam long gavman bilong Japan long karimaut ol wok long ol skul na ol helt senta long ol provins bilong ol.

Mista Yuimb i tok wantaim dispela mani ol i kisim nau, ol bai bildim 6-pela nupela klasrum long dispela yia.

Ol bai bildim tupela klasrum long Lee Ebby Praimeri skul, tupela long Whagi Praimeri na tupela moa long Rimar Praimeri skul.

“ Mi autim bikipela amamas na tok tenkyu long ol pipel na gavman bilong Japan long givim mipela dispela gren mani bai helpim stret ol skul na ol pikinini bilong mipela long skul gut long ol dispela nupela klasrum na ol bai kamap ol gutpela lida long bihain taim,” Mista Yuimb i tok.

# Raiting na pablisim buk i wanpela salens

WOK bung namel long Yuni-versiti bilong PNG, Edukesen Dipatmen na Sterling Pablisas kampani bilong India bai go strong moa bihainim wokabaut bilong bosman bilong kampani i kam long PNG long dispela wik.

SKGhai erm Menesing Dairekta bilong Sterling Pablisas kampani long India i bin kamap long PNG long dispela wik Mande na bai go bek tumora.

As tingting long 5-pela de wokabaut bilong em i kam long PNG em long strongim wok bung wantaim UPNG Printing Pres na Buksop, strongim join ventja wantaim UPNG na tu long sekim Read PNG Progrem wantaim PNG Edukesen Dipatmen.

Long wokabaut bilong em, em i bungim ol lain long UPNG Printing Pres na Buksop long strongim ol wok bung wantaim long kamapim ol kain buk i ken gat ol edukesenel, histri, ol teks na ol narapela buk olsem we ol

PNG raitia tu i raitim.

Em i bung wantaim ol lain long Read PNG long Edukesen Dipatmen na tu, ol PNG manmeri i gat laik long raitim buk.

Dispela em i namba tu wokabaut bilong Mista Ghai i kam long PNG na em i tok pablisim ol buk long PNG em i gat bikipela salens.

“I gat ol nupela raita i wok long kamap nau long PNG, tasol em i gat bikipela salens long raitim buk, na maketim tu.

“Tasol mi bilip olsem wanem buk ol PNG raita i raiti i gat pipel husat i laik ritim.

“Em i wanpela win win situesen bilong ol raita, pablisas na ol rida.

“Olgeta buk raita i raitim em i nupela buk. Buk na buk pablisim em i wanpela “nobel profession” we yu ken go antap long ol bikman olsem long presiden. Na ol pablisas i mekim komitmen long sosaiti long helpim wantaim edukesen na divelop-

men bilong kantri,” Mista Ghai it ok.

Em i tok wok bilong ol pablisas na ol edita em long kamapim samting long gutpela fom we pipel i ken lukim, ritim na kisim gutpela samting long en.

“Wanem samting yumi putim wantaim, maski yumi pablisim long dijital o nomol buk, “content” o wanem samting raitia i kamap wantaim em i “King”.

“Yumi mas prisenim long gutpela wei na fomat,” Mista Ghai i tok.

UPNG na Sterling Pablisas Kampani i wok wantaim stat yet long yia 2009.

Nau ol (UPNG Buksop) i go long wanpela join ventja long prinim sampela ol “important” o bikipela buk. Prais o kos long pablis wantaim ol i gutpela na i no dia tumas.

Sterling Pablisas kampani i wanpela long ol bikipela kampani i save pablisim ol buk long India. Em i save wok poroman na gat buk bisnis long 45 kantri we PNG i

wanpela long ol.

Em bin kirapim wok long 1965.

Kampani i save pablisim ol akademik buk, ol pepabek na non fiksen, ol bik bilong ol pikinini na e mi wanpela long ol pablisim kampani i go pas long kamapim ol buk long India.

India i gat 16,000 pablisim kampani na ol i save kamapim samting olsem 90,000 buk taitel insait long wan wan yia.

Institut bilong Buk Pablisim long India i save holim wanpela wik kos bilong ol Edita long sait bilong editing na pablisim na long las yia, wanpela yangpela man i wok wantaim UPNG Buksop, Gregory Baplis, i bin go long em.

Bai dispela kos i ron gen long mun Me long dispela yia.

Rit na rait em i bikipela samting long pipel na kantri i go fowet na divelop, na stap long level bilong intanesenel komyuniti.



**MISTA GHAI:** Raiting na pablisim long PNG i wanpela salens.



**EDITAS KOS:** Namba 5 Editas long Pablisim woksop long India las yia. Long fran na namba 4 long han sut, em Gregory Baplis bilong UPNG Buksop i makim PNG long sindaun long wanpela wik woksop.



**TOK PISIN NEWS**  
from Radio Australia  
radioaustralia.net.au

Harim TOK PISIN long  
Radio Australia  
**101.9FM**  
Port Moresby

**Tok Pisin Service**  
6am - 7am 6080; 7240(KHZ)  
7pm - 9pm 5995; 6020; 9710; 1280(KHZ)

## Fiji gavman i pasim 14 politikal pati

14 long 17 politikal pati long Fiji nau ol i pasim wok bilong ol olgeta, bihain long ol i bin abrus long putim askim long rejista aninit long strongpela loa gavman i bin kamapim i go long ol oposisen grup las mun.

Pasim wok bilong ol em ami gavman i bin tokaut long en i min dispela Pasifik kantri bai gat tasol nau tripela politikal pati em ol bai stap insait long jeneral ileksen em ol i bin makim long kamap long yia bihain.

Dispela ileksen ol i promis long en i namba wan bikipela tingting bilong kantri taim em i muv i go long pasin demokrasi, stat long taim ami i bin kisim gavman long 2006.

Dispela wik, Fiji polis i bin tok tupela opisal bilong Labour pati i bin bungim ol toktok kros long i bin stap insait long ol giaman pasin long kisim aplikesen bilong membasip i kam long ol pipel. Na pati i no bin laik tok stret long dispela.

Rejistra bilong Fiji Politikal Pati, Mere Vuniwaqa i bin tok 14 long 17 pati nau i no bin mitim ol dedlain bilong rejistresen las wik.

Bai gavman i pinisim olgeta wok bilong ol na ol samting o aset bilong ol, Fiji gavman bai kisim.

"Aninit long loa, mi gat mendet long mekim aplikesen i go long Hai Kot long pinisim olgeta arapela pati i stap husat i no bin aplai long taim bilong dedlain," em i tokim Fiji Brodkasting Koporesen. "Mipela nau i wok insait long Solisita Jeneral opis long bungim wantaim olgeta aplikesen bilong pinisim wok insait long Hai Kot."

Aninit long rul ol i bin kamapim las mun, namba bilong pipel em ol i laik memba long wanpela politikal pati, ol i bin apim long foapela ten taim moa long 128, i go inap long 5,000.

Na nau i luk olsem bikipela wari bilong ol oposisen grup long Fiji, em i gat namba bilong ol pipel o populesen i samting olsem 870,000.

## Solomon Ailans sunami skul mani

LAIN bilong Solomon Ailans Nesenel Tisas Asosiesen (SINTA) i askim olgeta tisa, ol skul pikinini na ol papamama long halivim asosiesen long helpim ol skul tisa na ol skul pikinini long Temotu provins.

Moa long 200 ol skul i bin kisim taim bihainim guria na sunami em i bin bagarapim provins long stat bilong dispela mun.

Nesenel Tisas Asosiesen nau i askim olgeta pipel long taun bilong Honiara long kamap long wanpela fan-resing em bai kamap long Sarere na Sande.

Bai gat ol laip ben musikl, na bai ol i pusim ol wilbero raun long siti long



**MALESIA RAUSIM:** Indipenden Seneta Nick Xenophon taim em i kamap bek long Australia long Melbon ples balus, bihain long Malesia i rausim em long kantri. Seneta Xenophon i tambu long go bek long Malesia taim em i raun i go wantaim wanpela Australia delegeesen long sekim ilektoral sistem bilong Malesia. (Foto: AAP Images)

helpim dispela fan resing bilong ol.

## PNG Yunitek Vais Sansela hevi

PAPUA Niugini Yunivesiti bilong Teknoloji, Vais Sansela, Dokta Albert Schram, i tok ol i no bin larim em go insait long PNG taim em laik go long opim bilong skul yia bilong yunivesiti.

Dokta Schram i tok olsem ol i no toksave long en long as bilong ol i stopim em long go bek insait long PNG.

Ol imigresen opisal i holim dispela man bilong The Netherlands, taim em i go bek long Pot Mosbi long kirap bilong dispela mun, na em putim em long wanpela balus i go bek long Australia.

Dokta Schram i tok em i no klia long ol as ol wokim olsem, maski i gat tokwin olsem o i rausim pemit long em i save yusim long wok long PNG.

Em i tok ol i no rausim em aninit long wanpela loa bilong PNG, olsem na em i no stret long ol i wokim olsem long en.

Long dispela nau, em i tok em i askim embasi bilong Kingdom bilong The Netherlands long Canberra long bihainim as bilong dispela pasin ol i wokim

long en.

Yunivesiti bilong Teknoloji long Lae i bin askim kwesten long ol pepa bilong Dokta Schram long sait long skul na wok bilong en.

PNG Minista bilong Haia Edukesen, David Arore, i bin tokim ol media long PNG olsem em i tru ol i putim Dokta Schram long wanpela balus i go long Brisbane, tasol em i no toksave long as bilong watpo ol i mekim olsem.

Em i tok dispela em i no dipotesen, tasol ol i no larim Dokta Schram long go insait long PNG inap long ol i pinisim investigesen bilong ol.

## Malesia politisen wanbel long rausim Xenophon

WANPELA politisen bilong Malesia i tok em i gutpela long ol i dipotim Australia Indipenden Seneta Nick Xenophon long wanem em i suvim het i go insait long wok politiks bilong Malesia.

Seneta Xenophon ol i bin holim pas long Kuala Lumpur ples balus long las wiken na ol i tokim em olsem em i wanpela sekyuriti birua long kantri, olsem na em i mas raus.

Taim em i kamap bek long Australia, Seneta i tok olsem em

i kirap nogut long we ol i rausim em long kantri, long wanem em i gat plen long mit wantaim wanpela minista long gavman na ileksen komisina.

Em i tok klia sampela lain long gavman bilong Malesia i gat wari long ileksen we bai kamap long kantri.

Seneta Xenophon i bin go long Malesia wantaim arapela memba long palamen long laik bilong Malesia Transparensi na llektoral Rifom grup, Bersih, o "Clean".

Olsem na em i tok ol ino ol 'interfering Australians'.

Tasol Gerakan Pati bilong ruling koalisen gavman long Malesia i difendim disisen bilong dipotim Seneta Xenophon.

Em i tok em i wanbel tru long ol i rausim seneta ya long wanem ol i no welkamim em long Malesia.

Ol i tok em i noken suvim nus long politiks bilong Malesia.

Yut sif long Kedah Stet, Tan Keng Liang, i tok olsem Malesia em i no wanpela diktetasip, na i no nidim skulum long demokrasi long wanpela Australia politisen.

Em i tok long bipo ol i lukim olsem Mista Xenophon i bin sapatim dispela Mersih muvmen.

Em i tok Bersih i bin holim wanpela demonstresen las yia, na dispela i kamapim pait long

strib, na planti pipel bilong Malesia i kisim bagarap, na planti propeti i bin bagarap long en.

Mista Tan, husat i wanpela loya tu, i tok gavman i mas toksave long Seneta Xenophon pastaim long em i go long Malesia olsem ol i no welkamim em.

## Wok long PNG em bilong pipel long PNG

WANPELA palamen memba long Papua Niugini i tokaut long kain pasin ol pipel bilong narapela kantri i kisim ol wok we ol pipel bilong PNG yet inap wokim.

Memba bilong Komo-Margarima long nupela Hela provins, Francis Potape, i tok PNG i gat planti ol save-manmeri we inap wokim ol wok we planti ol pipel bilong narapela kantri i nau kisim long kantri.

Na em i laik long gavman i mekim rivi long painimaut gut long ol wok pemit we Dipatmen bilong Leba na Industrial Rilesens i givim long ol pipel bilong ausait.

Mista Potape i laik tu long gavman i gat wanpela rejistri o rekot bilong olgeta graduet na pipel bilong PNG husat i gat ol kain kain kwolifikesen, tasol ol i nogat wok.

Em i tok planti forena tumas i go na kisim wok bilong ol pipel bilong PNG yet i save wokim na dispela i mas stop.

**Pacific BEAT**

4. 5. 6am & 4pm. 5pm  
including sport

Listen to Radio Australia  
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



**BELDEN**

**PM**

Jada 013!

# Noken bihainim tait nating

**PASIN bilong bihainim tait, em i samting yumi save asua tumas long en.**

Taim wanpela kain tokwin i kamap, dispela liklik tokwin i ken kalap i go kam long iau bilong planti manmeri, na kamap wankain olsem tok tru.

Wankain long pasin bilong bilipim toktok bilong ol man nating.

Insait long wok politiks na komyuniti laip bilong yumi tude, infomesen em i bikpela samting.

Na wantaim kain kain rot bilong ol pipel long kisim nius, em i isi tru long wanpela kain tokwin o tok giaman i kirap na groim ol kain kain han i go long kain kain manmeri.



Taim planti moa manmeri i gat wanpela bikpela bilip olsem dispela tok i tru, em nau bai yumi lukim birua i soim pes bilong en.

Long wik i go pinis, kantri i meknais wantaim nius bilong meri ol i kukim em long paia na kilim em. Bihainim tasol tingsave sampela ol manmeri long komyuniti i gat olsem em i mekim pasin sanguma.

Dispela tingting na pret bilong en i kamap strong, na komyuniti i pasim wanpela tingting, na ol i holim pasim dispela meri na kilim em.

Em nau, em pasin bilong bihainim tait.

Dispela wik Tunde, Prait Minista Peter O'Neill i kamaut long midia gen long bekim ol sut tok i kam long lida bilong oposisen, Belden Namah.

Namah i strong bihainim yet laik bilong em long yusim kot long traim pasim Asailam Sika Senta long Manus.

Wanpela hap tok praim minista i givim, em long oposisen na Mista Namah yet long givim wanem kain evidens em i gat long ol paul pasin, long ol atoriti, na long autim ol polisi bilong en, we em i ting i mobeta bilong kantri.

Tru tumas, sapos wanpela lida i no wanbel long ol polisi na wok program bilong nara-

pela lida, orait, em i mas tokaut long wanem tingting em i gat, we em i ting i mobeta long pipel long kisim na bihainim.

Sapos i nogat dispela samting, em nau, bai strong bilong toktok bilong yu i slek liklik.

Pasin bilong bihainim tait, em wanpela samting planti PNG manmeri i save mekim.

Maski ol i no save long tru tok, o as tok bilong wanpela samting, ol i go het tasol na bihainim tait.

Yumi mas inap nau long dispela kain krangi pasin bilong yumi, na toktok long stretpela maus, stretpela tingting na gutpela bel.

Sapos yu no inap long mekim bihainim ol dispela rot, orait, yu pasim maus, na givim han long halivim.

**WANTOK**  
 Published Weekly, Thursday, for Word Publishing Company, Ltd.  
 P.O. Box 1982, Boroko, NCD  
 Papua New Guinea  
**Telephone: (675) 325 2500**  
**Fax: (675) 325 2579**  
**Email: editorial@wantok.com.pg**  
**Websait: www.wantokniuspepa.com**  
**Pe bilong wanpela yia, 52 niuspepa**

<b>Ples:</b>	<b>Air:</b>
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

**General Manager**  
Elizabeth Konga

**Editor**  
Neville Choi

Published at  
Able Building Complex,  
Sec 58 Lot 02,  
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

# WOLNIUS LONG POTO...



## Yunit 61398

1. OL asples manmeri i wokabout long fran bilong 'Unit 61398', wanpela sikret o hait Saina ami yunit, we opis bilong ol i stap ausait long siti Shanghai. I gat bilip i stap long ol arapela kantri, olsem dispela yunit i wok long hait na stilim infomesen long ol US kompyuta masin. Wanpela kompyuta sekyuriti kampani long Amerika i tromoi dispela sut tok long dispela hait yunit bilong Saina ami, na dispela i pulim strongpela tok nogat i kam long Saina gavman.

## Famili bilong Steve Irwin promotim nupela prut prodak

2. BINDI (raitnan), Bob na Terri Irwin, lain famili bilong Australia wailaip man Steve Irwin i promotim wanpela nupela prut prodak bilong promotim pasin bilong kaikai tupela hap prut olgeta de long Sidni, long Mande dispela wik. (Poto: AAP Images)

## Gillard lukluk raun long faktori bilong woa sip

3. AUSTRALIA Praim Minista Julia Gillard i bin werim helmet na lukluk raun long Air Warfare Destroyer faktori long Techport, na i mitim sampela ol lain i save bildim ol ami sip long Osborne, long Adelaide long Trinde dispela wik. (Poto: AAP Images)

## Wesan i gat wok

4. 5. 6. OL DISPELA wesanskalpsa o kaving em ol i mekim long wesansasol. Dispela em sampela ol kaving ol i mekim long Australia Wesanskalpsa Sempionsips long Surfers Paradise long Gold Coast Australia. (Ol Poto: AAP Images)



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing b'long bifo.

Tasol

9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment
3pm - 7pm - Avinun Draiv Taim - Host: Vaviessie

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT
7:00pm - Nius - YUMIFM Nius Senta

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - Nius - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

Raun wantaim Wantok kru ...



Lainim stail bilong danis bilong tude!



EMTV Television Guide

FONDE FEBRUERI 21, 2013

4:57 AM G AUSTRALIA NETWORK
5:00 AM G JOYCE MEYER
5:30 AM G EMTV NEWS REPLAY
6:00 AM G TODAY

6:00 PM G EMTV NATIONAL NEWS
7:00 PM G RAIT MUSIK
8:00 PM G RESOURCE PNG EP#

10:40am Grade 8 Mathematics
11:20am Grade 8 Science
1:00pm Grade 6 Mathematics

6:30 AM G EMTV NEWS REPLAY
7:30 AM G ULTIMATE GUINNESS WORLD RECORD

6:00 AM G EMTV NEWS REPLAY
6:30 AM G IT IS WRITTEN
7:00 AM G HILLSONG

FRAIDE FEBRUERI 22, 2013

09:00 AM Classroom Broadcast
9:00am Grade 7 Mathematics
9:50am Grade 7 Science

4:57 AM G AUSTRALIA NETWORK
5:00 AM G JOYCE MEYER
5:30 AM G EMTV NEWS REPLAY

4:30 PM G DAYS THAT SHOOK THE WORLD
5:30 PM G IN MORESBY TONIGHT - EP#3

8:00 AM G YOGA SUTRA EP# 33Rpt.
8:30 AM G AUSTRALIA NETWORK
5:00 PM G MOTU GADODIA S2/Ep#10

8:30 AM G BUSINESS PNG
9:00 AM G MARTIN MYSTERY EP#
9:30 AM G OLSEMANEM - Repeat

SARARE FEBRUERI 23, 2013

2:30pm DEPI Program
3:30 PM G KIDS KONA
3:30 PM SHARKY'S FRIENDS

6:30 AM G TODAY
09:00 AM Classroom Broadcast
9:00am Grade 7 Mathematics

9:27 PM G EMTV TOKSAVE
9:30 PM G EMTV NEWS REPLAY
10:30 PM G AUSTRALIA NETWORK

7:30 PM MAO THE RIVER - Ep#7 "The Experiment"
8:30 PM G RAITMUSIK - Repeat

11:00 AM G AROUND THE WORLD IN 85 PLATES
12:00 PM G AUSTRALIA NETWORK
5:30 PM G PACIFIC WAY

SANDE FEBRUERI 24, 2013

5:00 PM G KITCHEN WHIZ
5:30 PM G FUNNIEST HOME VIDEO SHOW

9:50am Grade 7 Science

4:57 AM G AUSTRALIA NETWORK

4:57 AM G AUSTRALIA NETWORK

8:30 PM MAO MOVIE: THE HUNTER GAME
10:30 PM G HILLSONG Rpt. ...

# TORO



# BIABIA



# KANAGE



# TOKWIN

## Vision City pulap long stail stilman...

Planti kainkain stail stilmanmeri i raun long Vision City..Ino ol liklik mangi tasol ol traipela papa mama na ating bubuman i wok long stil insait long vision city..

**Nambawan stil pasin i kamap em:** Wapela papa Tari i karim raun wapela plastik beg. Insait long plastik beg em wapela katen bokis bilong cambris smuk i stap insait. Insait long dispela cambris katen em ol katbot em katim katim likliklik na pulumapim insait long wan-wan bokis bilong smuk na pasim

gut tru olsem ol fektri i bin pasim. Em i gat mani long baim narapela katen cambris smuk na wokbaut i go long ples bilong salim smuk na askim meri long kaunta long givim katen (24 gross) cambris smuk. Em i givim moni long meri na meri i laik go long til na senisim moni, long semtaim man yah i senisim giam cambris na putim antap long kaunta. Taim meri i kambek long givim senis, man bai tokim meri olsem, maski karim pallmall grin i kam na putim bek cambris. Dis-pela taim em popaia bikos taim meri yah i laik apim bokis na putim bek, em pilim olsem hevi bilong bokis ino wankaim bipo. Em singautim ol sigi i kam na sekim bokis na kamautim olgeta

katbot i kamaut...O sore, fada man em kisim stret...  
**Nambatu stil pasin:** Wapela mama Simbu werim taits na putim long meri blaus na siket na go giaman raun insait. Nogat man i lukluk na em haitim tenpela liklik tin Ox & Palm insait long taits bilong em na wokabaut raun i stap. Mi no save tasol, wapela tin mas kaikaim em insait na meri painim hat long wokabaut. Ol sigi i lukim em na saspek olsem meri i hatim sampela samtin insait long sangana bilong em. Hariap tru ol sigi meri karim em igo long toilet na painim tenpela buli bif pas gut tru long taits bilong em...Yu save pinis..Tok i dai long hap..

*Tokwin tasol*

A	T	R	I	T	U	T	H	A	S	I	A	S	L	A
4	J	L	S	M	V	A	C	L	V	S	E	L	C	L
L	S	E	S	L	A	L	E	I	W	L	Y	C	L	J
I	T	F	A	L	C	F	L	V	A	A	X	C	N	I
I	T	F	A	L	C	F	L	V	A	A	X	C	N	I
S	=	C	U	L	-	-	C	S	K	E	L	C	L	I
A	T	U	U	L	H	:	V	J	T	C	F	A	T	F
L	I	-	L	J	A	U	A	S	:	L	-	L	L	K
'	T	L	'	H	I	N	V	H	E	T	H	T	E	G
S	A	L	U	S	:	S	E	M	-	T	E	P	O	D
S	J	O	L	O	D	C	V	I	K	W	E	I	U	O
I	Y	E	F	H	I	L	'	H	P	L	S	Y	U	L
I	T	-	A	C	L	H	O	B	S	:	A	L	A	S
T	=	A	F	A	A	T	I	F	P	H	T	:	Y	H
W	S	E	A	-	-	J	N	E	D	A	L	L	S	A
A	L	-	I	L	U	O	I	E	R	A	M	N	S	E

Painim ol dispela toktok bilong ron long balus:

BALUS	AIR NIUGINI	AIRLINES PNG	MAF
ISLANDS NATIONAIR	PLES BALUS	KAGO	TI
KOPI	JIUS	BISKET	SIA LET
SIA	TIKET	SEKIN	SEKYURITI
LAP JAKET	EA HOSTES	PAILOT	SUTKES

2		4	9	6		1		5
		3			8			
		8	1				4	9
7				1	4			3
			3		9		2	
9	6			3	2			1
		2	7			3	6	
					7			1
3		6		1	4	8		

2	7	4	9	6	3	1	8	5
5	3	9	4	8	1	7	2	6
6	8	1	5	2	7	4	9	3
7	5	2	1	4	8	6	3	9
4	1	3	6	9	5	2	7	8
9	6	8	7	3	2	5	4	1
1	2	7	8	5	9	3	6	4
8	4	5	3	7	6	9	1	2
3	9	6	2	1	4	8	5	7

Ansa bilong las wik Sudoku

Ansa bilong las wik Pasol

T	A	R	A	B	A	U	B	I	L	O	N	G	N	A	I	T
					S											
	K						E				K	U	M	U	L	P
	A						K	A	L	A	N	G	A	R		I
	K								A							S
	A						K	O	K	O	W	O			S	I
	R															K
	G	U	R	I	A	A					R				A	K
	K									R		6			V	I
										A				P	I	P
										P	A	T	O	L	G	B
I										O	E			A	A	I
A										K	P					U
N										T	T			K	A	K
A										O	I					A
K										A						S
	W									S	U	B	G	N	O	L

# EMTV Television Guide

11:00 PM G <b>NATIONAL EMTV NEWS - Replay</b>	4:00PM <b>MAGICAL TALES EP</b>	9:00 AM <b>CLASSROOM BROADCAST</b>	<b>TRINDE FEBRUERI 20, 2013</b>	5:57 PM G <b>CRIME STOPPERS</b>
12:00 PM G <b>AUSTRALIA NETWORK</b>	4:30PM <b>SLEEPOVER CLUB</b>	9:00am <b>Grade 7 Mathematics</b>	4:57 AM G <b>AUSTRALIA NETWORK</b>	6:00 PM G <b>EMTV NATIONAL NEWS</b>
	5:00 PM G <b>KITCHEN WHIZ</b>	9:50am <b>Grade 7 Science</b>	5:00 AM G <b>JOYCE MEYER</b>	7:00 PM G <b>FACT FILES</b>
<b>MANDE FEBRUERI 18, 2013</b>	5:30 PM G <b>FUNNIEST HOME VIDEO SHOW</b>	10:40am <b>Grade 8 Mathematics</b>	5:30 AM G <b>EMTV NEWS REPLAY</b>	8:00 PM G <b>TOK PIKSA - Repeat....</b>
	5:57 PM G <b>CRIME STOPPERS</b>	11:20am <b>Grade 8 Science</b>	6:00 AM G <b>TODAY</b>	8:30 PM PGR <b>MERLIN EP# 11/13 "The Labyrinth of Gedref"</b>
	6:00 PM G <b>EMTV NATIONAL NEWS</b>	1:00pm <b>Grade 6 Mathematics</b>	6:00 AM G <b>CLASSROOM BROADCAST</b>	9:30 PM G <b>EMTV NEWS REPLAY....</b>
	7:00 PM <b>PGR WILDLIFE MAN - David Ire land "The Sea God"</b>	1:50pm <b>Grade 6 Science</b>	6:00 AM G <b>CLASSROOM BROADCAST</b>	10:30 PM G <b>AUSTRALIA NETWORK</b>
	8:00 PM <b>PGR THE MENTALIST - S1/EP#6 "Red-Handed"</b>	2:30pm <b>DEPI Program</b>	9:00am <b>Grade 7 Mathematics</b>	
	7:57 PM G <b>EMTV TOKSAVE</b>	3:30 PM G <b>KIDS KONA</b>	9:50am <b>Grade 7 Science</b>	
	9:00 PM G <b>SPORTS SCENE EP#03</b>	3:30 PM <b>SHARKY'S FRIENDS</b>	10:40am <b>Grade 8 Mathematics</b>	
	9:30 PM G <b>EMTV NEWS REPLAY</b>	4:00PM <b>MAGICAL TALES EP</b>	11:20am <b>Grade 8 Science</b>	
	10:30 PM G <b>AUSTRALIA NETWORK</b>	4:30PM <b>SLEEPOVER CLUB</b>	1:00pm <b>Grade 6 Mathematics</b>	
	<b>TUNDE FEBRUERI 19, 2013</b>	5:00 PM G <b>KITCHEN WHIZ</b>	1:50pm <b>Grade 6 Science</b>	
	4:57 AM G <b>AUSTRALIA NETWORK</b>	5:30 PM G <b>FUNNIEST HOME VIDEO SHOW</b>	2:30pm <b>DEPI Program</b>	
	5:00 AM G <b>JOYCE MEYER</b>	6:00 PM G <b>EMTV NATIONAL NEWS</b>	3:30 PM G <b>KIDS KONA</b>	
	5:30 AM G <b>EMTV NEWS REPLAY</b>	7:00 PM G <b>HAUS &amp; HOME EP#2</b>	3:30 PM <b>SHARKY'S FRIENDS</b>	
	6:30 AM G <b>TODAY</b>	8:00 PM G <b>BUSINESS PNG - Ep#5</b>	4:00PM <b>MAGICAL TALES EP</b>	
		8:30 PM PGR <b>NIKITA S1/EP#6 "Resistance"</b>	4:30PM <b>SLEEPOVER CLUB</b>	
		9:30 PM G <b>EMTV NEWS REPLAY</b>	5:00 PM G <b>MR. MAKER</b>	
		10:30 PM G <b>AUSTRALIA NETWORK</b>	5:30 PM G <b>FUNNIEST HOME VIDEO SHOW</b>	

Ol Program na Kilok i ken tenis oltaim...

# Raun wantaim Kanage olgeta wik



**NEM:** Joshua Malken  
**KRISMAS:** 30 (Man)  
**ADRES:** PO. Box 4132, Destiny F/Ship, Lae Morobe Provins  
**SAVE LAIKIM:** Go Lotu, pilai music, singsing na praisim God, ritim Baibel, harim gospol musik, mekim gaden na laikim wanpela lotu meri husat i save go lotu long stap wantaim oltaim.

**NEM:** Elijah Hombo  
**KRISMAS:** 23 (Man)  
**ADRES:** Nisol Elementary School, PO. Box 538, Lae 411, Morobe Provins  
**SAVE LAIKIM:** Raitim leta, Pilai soka, Volibol, Harim musik, Ritim Niuspepa, Go Lotu, Tok pilai na mekim pren.

**NEM:** Danny Henz  
**KRISMAS:** 38 (man)  
**ADRES:** PO. Box 4731, Lae, Morobe Provins  
**SAVE LAIKIM:** Pilai gita, Go Lotu, Pilai soka, wokim haus na gaden.

**NEM:** Stanford Jackson  
**KRISMAS:** 18 (Man)  
**ADRES:** Komnaik Stationary Ltd, PO. Box 182, Mendi, SHP  
**SAVE LAIKIM:** Go Lotu, Watsim TV, Pilai ragbi tas, Tok pilai na stori wantaim ol lain.

**NEM:** Dulcie Ben Mandi  
**KRISMAS:** 23 (Meri)  
**ADRES:** M&S Tsang Cash & Carry, PO. Box 19, Madang, Madang Provins  
**SAVE LAIKIM:** Ritim Baibel, Harim gospol musik, Pilai gita, Go Lotu, Serim tok bilong God na ol samting long ol arapela, Wasim kolos na klinim haus.

**NEM:** Mocksy Gudego  
**KRISMAS:** 19 (Meri)  
**ADRES:** C/- Joshua Sono, PO. Box 77, Kiunga, Westen Provins  
**SAVE LAIKIM:** Pilai Musik, Harim musik na ritim buk.

**NEM:** Ivan Gudego  
**KRISMAS:** 17 (Man)  
**ADRES:** C/-Joshua Sono, PO. Box 77, Kiunga, Westen Provins  
**SAVE LAIKIM:** Go Lotu, Harim musik na painim poro.

**NEM:** Peter Kul  
**KRISMAS:** 22 (Man)  
**ADRES:** St. Edward Ambang - C/- PO. Box 28, Banz, Jiwaka Provins  
**SAVE LAIKIM:** Raitim leta, Ritim buk, Pilai gems, Tok pilai, Harim musik na watsim TV.

**NEM:** Junior B. Dii  
**KRISMAS:** 31 (Man)  
**ADRES:** College of Distance Education, PO. Box 2071, Yomba, Madang Provins  
**SAVE LAIKIM:** Go danis, Harim musik, Watsim TV, Tok pilai, Kisim wara na go swim

**NEM:** Yakias James  
**KRISMAS:** 18 (man)  
**ADRES:** Annia Village C/- Kanabea, Catholic Mission, PO. Box 220, Kerema, Gulf Provins  
**SAVE LAIKIM:** Ritim Niuspepa, Pilai musik, Pilai soka, volibol, basket bol, Harim Stori.

**Rais i no kuk yet...**  
 KANAGE i stap wantaim meri bilong em longpela taim nau. Wanpela apinun, meri bilong Kanage i redim pot kaikai na putim long paia. Meri hariap i go waswas bikos em ples i hot. Em tokim Kanage long was long pot kaikai long paia. Em i go waswas na em lus tingting long kisim sop. Em i go bek long haus long kisim sop. Em i go antap long kisim sop na lek bilong em i wel na turangu hariap holim sait long haus. Tasol taul i lus. Kanage lukim olsem na em i opim ai na tok, "Aiyo...., rais i no kuk yet na Ox & Palm op pinis...".

**Soulist Raiiotz Madang**

**Kros long beltait**  
 WANPELA moning, papa Kanage go wok long gaden. Em wok i go na hangere kisim em. Em kam bek long haus na meri bilong em skelim kaikai bilong em. Kanage kaikai pinis na em tokim meri na pikinini meri bilong em, "yu tupela i go na karim ol paiauwat mi brukim pinis



na i stap long gaden". Pikinini meri bilong em les. Papa Kanage belhat na em tokim em, "Yu les long wanem! Bai yu stap tasol olsem! Bihain yu marit, man bilong yu bai mekimsave long yu long dispela kain pasin". Mama harim Kanage hatim pikinini meri na em tokim Kanage, "Inap ya! Maski long kros". Papa Kanage tanim em tokim mama, "Mi gat rait long kros na skulim em long wok. Yu noken tokim mi long pasim maus. Yu tupela les long mi kros, orait, yu tupela i go na painim rot long kaikai na kisim mani!"

**P Posou**

**Rough! Rough!**  
 Amerika na wanpela Papua Niugini pikinini, tupela i pilai long gras stap na skin blong tupela i sikarap. Papua Ni-

uginian kirap na tok inglis long Amerikan olsem, "Yu Rough me first, then I rough you. Together we rough rough".

**Tupela Marit**

Tupela marit stap longpela taim na man igo marit wantaim wanpla niupela meri. Ino long taim ol i painim aut Na putim tupela long kot. Taim kot i askim tupela, tupela i Yes! Ino long taim nambawan meri kirap Na tok, "Mi wanbel long tupela wokim, tasol mi laikim plastik contena wara blong mi mas karim i kam long mi yet".

**Ol skwat!**  
**Salim ol gutpela Kanage tok pilai i kam long:**  
**Kanage Tok Pilai**  
**P.O. Box 1982,**  
**Boroko, NCD**  
**Port Moresby.**  
**Email: jwilson@wantok.com.pg**

# Skul wok bilong mi i go daun taim mi gat mobail fon

Dia Laiplain,

Mi wanpela meri i gat 16-pela krismas na nau mi pinisim Gret 10 bilong mi pinis. Skul i pinis na mi stap na tingting long bihain taim bilong mi na tu, mi wok long lukim ol skul pepa bilong mi tasol mi lukim olsem mi no wokim gut o ol mak bilong i go daun.

Dispela kain samting i mekim mi pret, bikos nogut mi bai no inap go long sekonderi o nesenel hai skul.

Wanpela samting mi bilip i bagarapim skul bilong mi em mobail(Mobile) fon. Maski ol papa-mama bilong mi givim skul toktok long mi long mekim gutpela pasin, tasol mi no inap long lusim mobail fon. Mi save westim planti taim bilong skul malolo long yusim mobail long teksim, stap long Fesbuk o toktok long poroman-meri long taim mi gat kredit.

Long olgeta dispela, mi lusim laik long kaikai long taim bilong dina, na ol save fosim mi long mekim wok bikos mi save mekim wok long haus. Papa-mama bilong mi save tokim mi long lukaut gut bikos mobail fon i wok long bagarapim mi na kamapim nogut pasin. Mi save ol i tok tru, tasol mi no save bai mi mekim wanem.


Bai mi mekim wanem samting sapos mi no go long sekonderi o nesenel hai skul? Plis helpim mi.

**Can't Help It.**

Dia Pren,

Tenkyu tru long rait i kam long mipela na tokaut long hevi bilong yu. Mipela i laik tokim yu olsem, i no yu tasol, planti yangpela na sumatin i gat wankain wari olsem yu husat i save rait i kam, ring na toktok long mipela.

Mipela i sori tru long wanem samting i kamap, olsem skul i pinis na yu lukim ol skul mak bilong yu i no gutpela tumas. Yu tokaut olsem yu yet i gat wanpela mobail fon na i wok long daunim intres bilong yu long mekim skul bilong yu na tu, pasin bilong yu, stail



bilong kaikai na mekim wok long haus i senis.

Pren olgeta samting em Papa God yet i mekim na i gat as bilong em, wankain tu long man i mekim samting i gat as bilong em. Sapos yu askim ol lain o painim aut long wanem as tru bilong mobail fon o telefon, ol bai tokim yu olsem wok bilong en em long bringim tok namel long man-meri long wanpela na narapela. Long dispela wei, mobail fon i mekim isi long man long save wanem samting bai kamap o i kamap pinis.

Sapos olsem, long wanem as na bai mobail fon i bagarapim mak bilong yu? Yu mas tingim, samting ol i mekim em bilong gutpela bilong man na tasol sapos yumi no yusim gut,em ken bringim samting we yu no inap laikim long en.

Pren, planti yangpela i ting olsem i nogat samting i rong, tasol wanem ol risal i kamap taim yu yusim mobail fon na wanem ol pasin yu lainim long em.

Mipela i laikim yu long skelim gut wanem samting em i gutpela na wanem samting i nogut long yu laikim mobail fon tumas. Yu mekim dispela na raitim go daun long pepa na rulim lain long makim gutpela na i no gutpela bilong yusim mobail fon.

Bihain long dispela, yu lukluk long risal na ol as bilong gutpela na nogut bilong em. Yu bai painim olsem ol i no gutpela i save stap longpela taim na i planti moa long ol gutpela we i no save stap longpela taim. Taim yu luksave long hevi bilong yu na ol samting we i wok long bagarapim stail, kaikai na wok helpim bilong yu long haus olsem wanpela bilong ol i senis tu.  
 Olsem wanem long ol narapela lain

olsem ol Papa-mama, brata na susa na spiritual laip bilong yu. Pren, edukesen em i olsem wanpela sik we bai yu no nap lusim sapos yu no was gut long wei yu stap long en, dispela ken bagarapim yu long bodi na tingting wantaim.

Pren olgeta samting yu tok long en, em sampela we bilong laip. Nau mitupela bai toktok long "Olsem wanem sapos yu no go long Sekonderi o Nesenel Hai skul."

Mipela i bilip olsem olgeta sumatin long Gret 8, 10, 12 na ol narapela sumatin askim wankain kwesten olsem yu.

I nogat pinis bilong edukesen, na i nogat wanpela nogut samting long dispela. Em i man tasol i save mekim o tingim samting olsem i nogut; I gat narapela we long yu ken skruim edukesen bilong yu sapos yu no mekim i go long hai skuls o institusens. Sampela rot we yu ken skruim skul bilong yu em;

Yu ken apgredim mak long ol sabsek yu no mekim gut long ol long planti skul olsem, open kolis(CODE)

Yu ken traim tu ol arapela skul olsem Vokesenel o teknikal edukesenel kolis o yu ken go stap long ples tasol yu mas yusim ol save yu bin lainim taim yu stap yet long skul.

Pren, taim yu luksave long hevi bilong yu, em bai helpim yu long kirapim bek dispela kain tingting na pasin yu bin stap long bipo.

**Pren bilong yu,**  
**Laiplain.**

**Sapos yu gat wari, rait i kam long Lifeline, P O Box 6047, Boroko, NCD. Telipon: 3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.**

**Laiplain**



# Wanem wok bilong BRG (NGO) insait long divelop bilong PNG?

Mathew Yakai i raitim

**O** I NGO tu i save salensim ol bikpla intenesenel ogenaissen olsem Yunitet Nesens o UN, Wol Benk na Intenesenel Maniteri Fan o, IMF.

Ol save wokim ol kempen bilong ol wantam sapot bilong ol asples man na ol narapela ogenaissen long stopim ol bikpela projek we ol gavman i save kamapim wantaim ol bikpela ogenaissen.

Ramu NiCo Projek insait long Madang i bin bungim wankain birua or hevi taim wanpela NGO insait long Madang em Bismark Ramu Grup (BRG) i bin grisim ol papagraun bilong Madang na Rai Kos Distrik long stopim dispela bikpela nikel projek insait long kantri na namba 5 bikpela insait long wol.

BRG i bilip olsem taim Ramu NiCo i dikim nikel antap long Kurumbukari (KBK) na putim pipia bilong em aninit long solwara long Basamuk, em bai bagarapim solwara na ol abus bilong solwara.

Bihain long bikpela kot na planti stopim wok, Suprim Kot i tok orait long dispela wei bilong putim pipia aninit long solwara tasol kampani wantaim ol gavman opis na wanpela independen envairomen grup mas moniterim dispela.

Ramu NiCo i bin tokim kot na gavman olsem dispela wei bilong putim pipia aninit long solwara bai i nonap kamapim sampela birua.

Long March 2012 i kam inap nau taim dispela main i bin stat long testim operesen bilong em, i no bin gat wanpela birua i kamap yet. Dispela i soim olsem toktok na teknoloji Ramu NiCo i yusim i orait stret.

As tingting bilong BRG gutpela samting i go long ol asples lain insait long Basamuk long Rai Kos Distrik, na KBK insait long Usino-Bundi distrik.

Tupela distrik we gavman sevis i no save go taim PNG i bin kisim independens.

Long taim ol wok kempen bilong em i kamap, bikpela as tingting bilong BRG em long stopim ol kain bikpela sevis na benefit i go long ol lokel pipol we Ramu NiCo na gavman bilong PNG wantaim bai givim. BRG i bin stap longpela taim long Madang tasol i no kamapim sampla wok or givim benefit i go long ol dispela turangu lain.

Ramu NiCo em wanpla bikpla kampani bilong China we i nau wok bung wantaim Highlands Pacific Ltd bilong Australia, gavman bilong PNG na ol papagraun bilong Ramu NiCo Projek ananit long MRDC na kamapim displa benefit.

**LONG olgeta hap long wol bai yu lukim ol Non-Government Organisation (NGO) bai traim long salensim planti disisen ol gavman i wokim o ol bikpela kampani i wokim long sait bilong maining, katim diwai, dikim dem na ol narapela bikpela wok divelopmen.**



Ol sampela save man na meri husat i helpim BRG long Madang

Long stat bilong Ramu NiCo projek long 2006, planti benefit i bin go long ol impekt eria ananit long luksave bilong MOA wantaim Nesenel Gavman.

Ramu NiCo em gavman bilong PNG i kisim kam bihain long tupe la i wanbel na sainim ol pepa na lo i luksave olsem kampani bai dikim nikel long 20-pla krismas.

Aninit long ol loa bilong PNG, gavman i tok strong tu olsem Ramu NiCo mas noken bagarapim ol bus, graun, solwara na abus (environment). Sapos kampani i bagarapim bai i gat mekim save bilong em.

Long dispela luksave na wanbel bilong ol papagraun, PNG nau i gat nambawan nikel projek na namba 5 insait long wol.

Insait long 20-pela yia operesen, bai i gat bikpela benefit i go long olgeta stakeholder, gavman bilong PNG bai kisim bikpela mani we em bai yusim long divelopim kantri na tu ol papagraun bai kisim royeltu bilong ol.

Na husat stret em BRG we i bin traim long stopim Ramu nikel projek? i gat luksave olsem BRG insait long Madang tu i bin traim long stopim ol narapela projek olsem Sea Bed Mine (Solwara 1), Yandera Gold Mine, RD Tuna, PMIZ, Ramu Oil Palm na Middle Ramu Logging.

Dispela em ol bikpela projek we

gavman i luksave na impoten bilong ikonmik divelopmen bilong kantri na Madang, i moa beta yumi glasim BRG nau.

BRG Ltd em i kamap long yia 2000 na i rejista aninit long kampani Ekt wantaim IPA. BRG bipo em wok ananit long UNDP ICAD Projek we i bin stap long Bismarck range na Ramu Basin eria bilong Madang Provins we i gat planti bus na abus.

Taim projek i pinis, ol ki lain bilong projek i laik long wok long displa hap yet wantaim liklik luksave ananit long nupla nem bilong ogenaissen, "Bismarck Ramu" we ol lokel pipol i save long nem na ol i ken stap na sapotim.

Long wanpla ripot bilong BRG Ltd, Bismarck ICAD i bin feil, na long displa lesan, grup ya i traim long tokim ol asples manmeri long wok strong long kontrolim graun bilong ol.

Misin bilong BRG em "Graun em Laip" we as tingting em long strongim ol asples lain long kontrolim graun.

BRG nau i gat 4-pela mama



Barry Lally, teknikel edvaisa bilong Bismark Ramu Grup (BRG) husat i wok strong long daunim ol bikpela projek.

program, kempen, ICE, trenin na komyuniti fesilitesin na kain ol trening bilong em i narapela kain stret long ol narapela sivel sosaiti edvokesi grup.

BRG i save grisim ol papagraun long sanap strong na pait wantaim ol bikpela kampani we gavman bilong PNG i luksave long ol wok olsem maining, loging o katim timba, pising na ol narapela moa. Dispela em ol kain projek we ol papagraun i save kisim bikpela benefit long em.

BRG nau i mekim kempen agensim Ramu NiCo, Sea Bed Mining, Yandera Gold Main, RD Tuna, PMIZ, Ramu Oil Palm na Middle Ramu Logging. BRG tu i

bin givim sampela strategi o plen na edvais long Yunion bilong Waput Riva long posin bilong wara we ol i tok i bin kamap long Hidden vali main. Na ol komyuniti bilong Turubu long agensim Is Sepik Oil Palm divelopmen na Sea Bed Mainin long Nugini Ailen rijen.

BRG em i no wanpla NGO tasol em i wanpla paivet kampani insait long kantri ol i kolim, Bismarck Ramu Group Ltd (BRG). Em i gat ol share holda na bod of dairekta. Ol planti lain insait long Madang i save long dispela na BRG em i no wanpela memba bilong Madang Civil Sosaiti Forum.

I gat luksave olsem BRG i gat ol bikpela save man na ogenaissen bilong narapela kantri i wok long sapotim wantaim tingting na mani long wok bilong em.

BRG Ltd i giaman na wok olsem wanpela NGO na i save kisim bikpela mani long ol intenesenel dona na sampela bilong ol em; Inter Church Development Corporation long Dutch, Rainforest Foundation Norway long Norway, Bread For The World – wanpela Katolik ejensi, EED, wanpela German nem tasol funding em kam long ol Protestansios, The Christian Fund long Canada we i bin go pas long pait wantaim Ramu NiCo long kot, na ol narapela dona.

Luksave i stap pinis olsem ol kankain NGO aninit long ol kankain nem nambaut i kamap long kantri wantim ol kankain tingting bilong ol yet long stopim ol bikpela impekt projek we bai givim bikpela benefit long gavman, kantri na ol papagraun.

Olsem na gavman i gat bikpela wok long glasim ol dispela kain NGO olsem BRG long maski mekim nabaut long bagarapim ol dispela bikpela projek.

Sapos wanem samting i go rong long envairomen na kantri, gavman i gat loa na sistem long stretim – na i no long ol kain NGO olsem BRG long stopim bikplea projek.

Sapos ol pipol bilong Kurumbukari long Usino-Bundi i gat gutpela rot, gavman sevis na wankain long ol pipol bilong Basamuk, wanem gen nau BRG, displa kusai NGO bai kamapim!

Ramu NiCo i stat long Dec 6, 2012 long mekim kamap nikel na salem. Givim wanpla moa yia na yumi bai lukim wanem ol bikpela benefit bai i go long ol papa na mama bilong Projek. Em nau bai yumi save stret olsem BRG i nogat wanpela han mak insait long divelopmen bilong Madang and PNG.

**Ol papagraun tu i mas stat long glasim gut wok bilong BRG. Tude em i no taim bilong paul nabaut!**

# Is Nu Briten bai gat nupela imejensi ples balus

**Michael Novingu i raitim**

**IS NU Briten provins bai wokim nupela imejensi ples balus bilong ol.**

Dispela i bihainim pasim bilong Tokua ples balus, long wanem Tavurvur maunten paia i tromoi das, na stopim ol balus long pundaun long hap.

Nau, Tokua ples balus i op gen bikos maunten paia i no tromoi das.

Planti manmeri na ol bisnis long ENB i no wanbel long taim das i pundaun na stopim ol manmeri long go kam long ENB.

Ol bisnis tu i no wanbel taim das i pundaun, bikos i lukim nogat ol kago, turis, na ol samting olsem ol pas na ol arapela kago samting bilong ol long wok bisnis i no kam long halivim bisnis bilong ol i go het.

Dispela i kirapim ol atoriti long ENB long painim hap long wokim nupela imejensi ples balus long yusim long taim nogut.

Minista bilong Sivil Eviesen, na Memba bilong Esa'ala, Davis Steven, wantaim ol Teknikal woklain bilong Nesanel Epot Koporesen, i bin raun i go long provins

long lukluk sekim tupela olupela ples balus ol i wokim long taim bilong pait long 1942, long ENB.

Minista Steven wantaim ol lain bilong em i pundaun long Tokua ples balus long tupelo wik i go pinis long wanpela Fraide na sekim ples balus na lukluk raun long hap.

Ol bikman long ENB provinsal gavman, we Deputi Gavana Boniface Setavo, Memba bilong Gasel, Malakai Tabar, na ol arapela woklain bilong provinsal administresen yet i go bungim ol long Tokua ples balus na kisim ol raun long painim nupela hap long wokim nupela imejensi ples balus.

Bihain long ol i lukluk raun long Tokua ples balus, ol i go lukluk raun long Vunakanau ples balus, we bipo ol ami bilong Australia i wokim long taim bilong Wol Woa 2 long 1942.

Dispela ples balus i stap klostu long Tomaringa polis stesen we em i graun bilong gavman. Tasol nau, bikpela bus i karamapim.

Mista Steven wantaim ol lain bilong em na ol teknikal woklain bilong Nesanel Epot Koporesen, i go paitim toktok wantaim ol komyuniti lidaman bilong Takekel, Raim na

Ratavul 2, we is tap klostu long Vunakanau ples balus long kisim tok orait long ol long wokim imejensi ples balus long hap.

Em i tokim ol papagraun olsem gavman bai wokim imejensi ples balus long larim balus i pundaun long hap long taim nogut i bungim Tokua ples balus.

"Mipela mas kirapim wok mas go het long gutpela bilong manmeri long ENB long kisim bisnis i kam long provins long apim ikonomi bilong provins bai em i kirapim gutpela sindaun bilong ol manmeri long ol komyuniti bilong ol," Mista Steven i tok.

Em i tok sapos ol pipel i wanbel, gavman bai kirapim wok na gavman bai no inap westim taim, nogat. Wok bai kirap long wokim nupela ples balus.

Moa yet, em i tok ENB provinsal administresen i gat ol samting na ol saveman long karimaut wok go het long dispela projek.

Provinsal Administreta, Akuila Tubal, it ok olsem tenpela krismas i go pinis, provinsal administresen i toktok long wokim nupela imejensi ples balus, tasol nogat wanpela samting i kamap.

Nau, gavman i salim minista bilong sivil eviesen long go lukluk raun na paitim toktok long wokim nupela ples balus long halivim ol pipel bilong ENB long taim nogut.

Ratavul, Wod namba 2 Kaunsel, Tony Kove, na Siaman bilong Raim Wod Developmen Komiti, Michael Kuki, i amamas long wok bilong wokim nupela ples balus i mas go het.

Tupela lidaman i tok olsem gavman mas paitim toktok wantaim ol pipel i stap long hap, bikos planti haus ol pipel i wokim i stap long hap. Moa yet, tupela i tok bipo gavman i paitim toktok wantaim ol pipel long wokim ples balus, tasol nogat wanpela samting i kamap.

Ol i tok olsem ol i paitim toktok wantaim gavman na lens dipatmen, we ol i kaunim namba bilong ol manmeri i stap long hap.

"Nau gavman i kam bek gen, na mipela laikim wok bilong ples balus mas kirap bai kisim sevis i kam long mipela," ol i tok.

Long Sarere, Mista Steven wantaim lain bilong em i go lukluk raun long Tavilo plantesen long Kerevat long lukim olupela ples balus ol Siaman i wokim long taim bilong Wol

Woa 2.

Dispela hap we ples balus i stap long en, ol lain bilong kakau na kokonas risets institute i wokim haus bilong ol woklain bilong ol long en.

Mista Steven wantaim lain bilong em i bungim bosmeri bilong CCRI, Jane Ravusiro, na paitim toktok wantaim em long wokim imejensi ples balus long hap.

Em i tok, olsem toktok bai go het na ol teknikal woklain bilong Nesanel Epot Koporesen bai makim wanpla long tupela hap bai ol i kirapim wok long wokim nupela imejensi ples balus bilong ENB.

Long wankain taim Minista Steven i go paitim toktok wantaim bosman bilong Vudal Yunivesiti long ol kain didiman skul ol i save lainim ol sumatin long en.

Astingting bilong Mista Steven i laik kisim skul bilong wok didiman i go long distrik bilong em long lanim ol pipel bilong em bai ol i kirapim gutpela wok didiman long helpim sindaun bilong ol.

Long pinisim wokobaut bilong em, em i go lukluk raun long Gaulim tisa koles long hap Sinivut LLG Bainings long ENB.

## Vanuatu-Saina paspot tred

GAVMAN bilong Vanuatu i wok long salim paspot bilong kantri i go long ol bikpela bisnis pipel bilong Saina.

1400 ol pipel bilong Saina i bin peim Vanuatu moa long 3,000 dola long wanwan paspot inap long 4.3 milian dola aninit long Pemanen Residens Vis Skim, em nau tasol ol i bin lonsim long Hong Kong.

Ol i no ting olsem ol dispela Saina pipel bai sindaun long Vanuatu, tasol rejistaim nem tasol bai bringim moa mani i go long Vanuatu.

Dispela Saina pipel i mas i gat paspot bilong o narapela kantri long i go insait long Hong Kong i no save laikim pipel i holim Saina paspot i go insait long kantri.



**STAIL YAH:** LONG taim bilong autim nupela prodak i go long maket, ol selsman na wokman i mas traim tru. Boroko Motors, husat i save salim ol Isuzu kar, las wik Fonde i lonsim nupela Isuzu D-Max kar. Dispela tupela wokman bilong Boroko Motors i sindaun insait na sekim kar, taim Wantok Niuspepa i bungim ol. **Poto: Nicky Bernard**

# Esia lain tekova long bisnis na Madang papagraun lukluk tasol

James Kila i raitim

**OL PAPAGRAUN bilong Madang husat i save toktok tumas na kolim ol yet 'matu' na paitim bros i mas sem stret bikos ol Esia lain i wok long tekova long ol bisnis wok long Madang taun, na papagraun bilong Bel eria i nogat bikpela bisnis long taun.**

Dispela em wanpela strongpela toktok tru wanpela yut lida bilong Sumkar, William Tawer i mekim taim em i lukim moa bisnis ol lain Saina i kisim long Madang taun.

Mista Tawer i tok nau yet long Madang taun i no gat wanpela bisnis em i stap long han bilong ol papagraun bilong Bel eria. Nogat tru. Ating wanpela o tupela lain olsem Samuel Alo i bilong Bilia ples i wokim sampela nem liklik na tu wantaim man bilong ples Yabob, Francis Saul, husat i gat wanpela liklik fiul sevis stesin long Modilon.

Em i tok olsem nau yet ol China lain i tekova pinis long ol honsel na riteil stua bisnis, na ating ol asples lain bilong Madang na tu ol lain PNG bai painim hat tru long daunim ol.

Em i tok pasin bilong ol lain Madang long tok-baksait na nogat

gutpela wok bung-wantaim i mekim na planti bisnis wok i pun-daun.

Mista Tawer i tok ol asples lain bilong Madang i mas sem stret bikos long ol arapela senta long PNG, bai yu painim olsem i gat sampela ol asples lain o papagraun i kamapim ol bisnis wok o kirapim wok long ples bilong ol. Tasol long Madang em nogat stret. Ol asples lain bilong Bel i save toktok tumas na paitim bros taim ol i spak olsem ol 'Matu' tasol ol i no save mekim wok bisnis. Ol i save sanap arere tasol na salim graun long ol autsait lain na kisim mani, na taim mani i pinis ol i save wokabaut long rot olsem ol trangu lain long asples bilong ol stap.

Mista Tawer i tok ol lain Bel pipel bilong Madang i mas tingting strong nau long wok bung wantaim, wankain olsem ol Ahi pipel long Lae na kirapim wanpela bisnis we i ken strongim developmen insait long Madang taun eria. Ol ples olsem Bilia, Yabob, Krangket, Bilibil, Sisiak, Siar na Mis na tu sampela hap bilong Not na Saut Ambenob LLG i mas kamapim wantaim sampela tingting long kirapim bisnis nau long Madang taun.

"Mi askim ol lain Bel pipel long

wok bung wantaim na kamapim bisnis long strongim nem bilong Madang na tu papagraun bilong eria. Noken sindaun nating na salim graun na larim narapela lain i kam wokim bisnis, na yupela i stap olsem ol tripman o kam-man long graun bilong yupela yet, Mista Tawer i tok.

Em i tok olsem Madang Provincial Gavman wantaim Madang edministresen i mas helpim ol lokal pipel bilong Madang long kirapim bisnis.

Mista Tawer i tok wanpela gutpela piksa stret we i lukim Is Nu Briten Provincial Gavman bisnis han, em Andersons nau i opim bikpela stua bilong em long Madang taun. Dispela em givim bikpela gol na sem tru long Madang.

Sapos ol bisnis bilong arapela hap i kam wokim wok long ples bilong yu, na yu go insait long baim kaikai na givim mani long ol em ating yu no sem o?

Em i tok ol Bel pipel bilong Madang i mas stat long wok bung nau na kamap wantaim gutpela tingting long kirapim bisnis long Madang taun. Nogut ol arapela lain i kam na mekim bisnis, na ol asples lain i stap olsem ol pisin long diwai na mangalim tasol wok bilong arapela lain.



**LIKLIK BINIS:** Hagen em ples bilong kaikai. Ol manmeri laik klap long balus long Kakamuga ples balus ol save karim bek kaikai tasol ol no save pasim. Dispela yangpela mani save mekim mani bilong em long somapim ai bilong bek kaikai taim ol sekjurit bilong ples balus i sekim ol bek kaikai. *Poto Nicky Bernard.*

## Spika Zurenuoc opim Kayana Bisnis

Paulus Tali i raitim

**LONG ronim na kamapim koporativ, em i no isipela rot.**

Yu mas wokabaut wantaim komyuniti, na tu, Kopi Industri Koporesen (CIC) long toktok i go kam long bringim wokman i kam daun long level bilong manmeri long ples na bai ol i save long wok ol liklik manmeri i save mekim.

Kayana Bisnis Koporetiv i stat long 1997, na i lukluk bilong pipel bilong MOreng, long Mape Lokol Level Gavman eria long kamapim koporetiv bilong ol yet na ol liklik manmeri i ken kisim gutpela bilong en.

Long Moreng ples, i gat moa long 2,000 manmeri i sindaun weol i laik kamapim lik-

lik ekonomi bilong ol yet long lukim sevis i mas go insait long eria bilong ol.

Wankain long Moreng ples, em baksait na i nogat sevis tru i save kamap long ol. Tasol ol yet i gat driman long pulim sevis i go.

CIC aninit long ol ekstensen progrem bilong ol i wok klostu long givim tingting long rot bilong planim gutpela kopi, na bai gat gutpela maket long halivim ol liklik manmeri long ples.

Siaman bilong Kayana Bisnis Koporetiv, Esec Bamegao, i tok amamas long wok bilong ol CIC wokman long Gagidu na Finsafan long oltaim raun lukim wok ol i mekim long groim kopi.

Nau yet, Moreng ples, Kayan Bisnis Koporetiv, em i pulim klostu moa long 14-pela ples bai kamap memba aninit long Kayana.

Nesanel Palamen Spika Theodore Zurenuoc, husat i kamap long Moreng, i bin lon-sim Kayana Koporetiv.

"Mi kamap nau long hia em i no asua long opening bilong koporetiv, yupela Kayana Bisnis Koporetiv i no abrus long driman bilong yupela long kamapim koporetiv, em kamap tru long mak na gol yupela kamap long en, mi olsem memba na spika, mi laik givim kredit i go long yupela long koporetiv, yupela kamap long em long kain rot bai sevis, na developmen i go insait," Mista Zurenuoc i tok.



# Wantok

NIUSPEPA BILONG YUMI OL PNG STRETI!

**Subscribe for your WANTOK Niuspepa now!!**

All you have to do is fill in the form below and arrange for payment and we will dispatch your copy of the WANTOK to you each week. We publish the WANTOK 52 times a year.

**AIRMAIL SUBSCRIPTION RATES** (includes postage & handling)  
 PNG K220.00, Australia/New Zealand US\$110.00, Asia/Pacific US\$150.00  
 Rest of the World US\$210.00

**NCD HOME DELIVERY**  
 K0.80t per copy or K65.00 Home Delivery & K52.00 Office pickup subscriptions per copy each issue annually.

Please send me.....copy/copies of WANTOK for one year.

I enclose Kina/USD..... as full payment.

Name.....  
 Postal Address.....  
 City.....  
 State/Province.....(abbreviation)  
 Country..... Zip/Postal Code.....  
 Street Address.....  
 Telephone..... Fax.....  
 Email.....  
 Signed..... Date.....

Address: Subscriptions  
 Word Publishing Company Ltd  
 PO BOX 1982  
 Boroko, NCD 111  
 Papua New Guinea

Attn: Luke MEK (Circulation & Distribution)



# GLASIM RAMU NICO PROJEK



*Wanpela Ramu NiCo, Wanpela Komyuniti*

## Ramu NiCo Bai Strongim PNG-Australia-China Rilesinsip

**D**ISPELA US\$1.6 billion fest nickel projek na namba paip (5) bikpla insait long wol, Ramu NiCo Projek bai bringim na kamapim wok bung wantaim namel long China, Australia na PNG taim em i kamapim mak stret bilong nikel na kobalt long klostu taim.

Embasada bilong China i kam long PNG, H.E. Mista Qiu Bohua mekim dispela toktok long wanpela ron bilong em i go long Ramu NiCo Projek long Basamuk Rifaineri insait long Madang long Fraide Feb 8 long salem gritings bilong gavaman bilong China i go long ol wok man meri bilong Kampani long hamamasim Spring Festival bilong China

Mista Zhao Shimin, Bod Siaman bilong Ramu NiCo, Mista Philip Allcorn, General Manager bilong Basamuk Refineri na ol sinia wok lain na menesmen lain i bin welkamim Mista Qiu long Basamuk

Taim ol i welkamim Mista Bohua, training manager bilong Ramu NiCo, Jeffers Heptol i bin wokim wanpela presentesis long Safety na bihain menesmen tim i kisim em raun long lukem dispela bikpela refaineri plent we em i soim bikpela hamamas bilong em na long wankain taim i bungim ol wok man na salem Spring Festival gritings long ol.

"Ramu NiCo em i no bikpela investmen bilong China i kam long Pasifik rigin tasol em i tu wanpela bikpela projek we China, Australia and PNG i bung wantaim na kamapim."

"Yumi mas wok hat na daunim yumi yet wantaim strongpela spirit, na wok hat tu long kamapim wok bung wantaim long kamapim benefit i go long ol pipol bilong display 3-pela kantri na kamapim nupela kain wok koporesin namel long China, Australia na PNG," Ambassador Qiu i tok.

Em i tok tu olsem Ramu NiCo mas wok hat long kamapim gutpela wanbel pasin namel long dispela ol kantri na olgeta i ken benefit long Projek ya.

Mista Bohua i tok maski China i nogat experience long wok long

sait bilong intenesinel ekenomik koporesin, Ramu NiCo mas traim long lainim planti na nupela stail bilong managemen long ol develop kantri na kamapim strongpela teknologi na managemen skills bilong Ramu NiCo.

Em i askim Ramu NiCo tu long lukautim na promotim safety na traim long abrusim ol bikpla birua we bai kamap long Projek.

Mista Bohua tu i askim Ramu NiCo managemen long lukautim bus, graun, wara na abus na bihainim ol lo we gavaman bilong PNG i putim kamap.

Em i luksave tu olsem long treinin na lokolaisesin program em Ramu NiCo i kamapim mas luksave long bihain olsem ol papagraun na save man bilong PNG yet bai mekim planti wok insait long Ramu NiCo.

Highlands Pacific Ltd bilong Australia, MCC bilong China and PNG gavaman na ol papagraun ananit long MRDC i wok bung wantaim long kamapim dispela bikpela na nambawan nikel projek insait long kantri wantaim luksave bilong lo bilong PNG.

Ramu Nickel Project i bin stat long 2006 wantaim bikpela konstraksen i bin stat long 2008. Projek i bin op long Disemba 6, 2012 na tete projek i wok hat long kamapim nikel na kobalt i kamap bikpela na bungim mak stret bilong em long klostu long pinis bilong 2014.



Embeseda Qiu wantaim Prime Minista na ol narapla big man na meri i katim ribbon long Disemba 6 2012 makim stat bilong Ramu NiCo Projek.



Embeseda wantaim ol wokman long Ramu NiCo Refineri i kisim grup piksa.



Embeseda Qiu wantaim Mista Zhao Shimin na Mista Philip Allcorn i mangalim nikel na kobalt produkt long Produkt Peking ples.



Embeseda Qiu i lukluk raun long Rifaineri ples we ol i kamapim nikel.



### Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

**Ol dispela namba i soim kliia mak bilong wok mipela i pinisim:**

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

**'Wanpela Ramu NiCo, Wanpela Komyuniti'**

# Madang taun rot liklik na hevi long planti kar

**James Kila i raitim**

MADANG Taun nau i wok long bungim bikpela hevi tru long sait long trefik bikos planti namba bilong kar tru i wok long kamap na rot i no gat inap spes long holim namba bilong kar.

Moa long en tu i gat wanpela bikpela rot em Modilon Rot i go insait long taun, na long bisi taim olsem long moning, belo na long apinun taim ol sumatin i pinis skul na yusim krosing, bikpela hevi tru i save kamap long ol kar i muv i go olsem long taun na tu go aut long taun.

Dispela rot long Madang taun em ol i wokim long kolonial taim, na fit long namba bilong kar long bipo. Tasol nau wantaim moa divelopmen i kamap na tu planti bisnis i wok long kamap na namba bilong kar i go bikpela, em i givim hevi long sait long trefik. Long ol bisi taim, kar i save sanap longpela lain tru na planti taim ol i save ron isi isi na ol wokman meri i save kros taim ol i go kamap leit long wok-ples bilong ol.

Long las foma gavana bilong Madang na nau Memba bilong Raikos,

James Gau i bin askim gavman na i kisim K10 milien long stretim Madang taun rot. Nau yet dispela mani em wanpela rot konstrak-sen kampani i yusim long fiksion ol stirit rot long sait long Kalibobo, Bougenvilia Draiv long Redscar na tu ol rot long Tarangau na Nu Taun.

Tasol bikpela hevi i stat yet long bikpela Modilon rot we nau i save lukim longpela lain kar i stat long taun i go olsem long Handy Mart maunten. Dispela i givim hevi long trefik, na taim bilong ol wokman meri i go long wok long taim stret.

Narapela samting tu em i gat foapela pedestrian krosing long dispela wanpela Modilon\ rot na taim planti kar i stop, em i save longpela lain tru na muvmen bilong trefik i save slo tru.

Wanpela lokal residen bilong Madang, Peter Bomai i tok Madang Provinsal Gavman na tu ol MP na Polis Minista, Nixon Duban i mas lukluk nau long opim Madang taun rot na tu kamapim narapela rot i go olsem long Nabasa i go Kerema kompaun long helpim ron bilong trefik. Dispela bai daunim hevi.



HEVI: Bikpela trefik lain long Handy Mart maunten i go olsem long Jomba gavman hetkwata long moning taim. *Poto: James Kila*



National Fisheries Authority



## ENTRIES NOW OPEN FOR PNA/NFA WORLD TUNA DAY ART AND TALENT QUEST 2013

Want your art, poetry, dance, drama music, short film or writing to be showcased to the world? Got a story to tell about the wonders of tuna and tuna fishing? Are you a national of Federated States of Micronesia, Kiribati, Marshall Islands, Nauru, Palau, Papua New Guinea, Solomon Islands or Tuvalu? If your answers are YES, then enter the PNA/NFA WORLD TUNA DAY ART & TALENT QUEST!

Held by the National Fisheries Authority (NFA) of Papua New Guinea with the Parties to the Nauru Agreement (PNA), the WORLD TUNA DAY ART & TALENT QUEST will award a prize of \$3000 USD for the winning entry, fly the winner to our special prize giving ceremony, feature winning work on the PNA's websites and promote it in international media around World Tuna Day on May 2.

### How to enter

To enter create an artwork, performance or film on one or all these themes:

- Pacific Tuna in the wild
- Tuna and local cultures and lifestyles
- Pacific ways of fishing for Tuna
- Islanders working together to conserve and manage tuna


Email PNA your writing (poetry or short story max 5000 words), pictures of your artwork, short films (20 minutes or less) or filmed music, dance and drama performances. You must send all emails to [worldtunaday@pnatuna.com](mailto:worldtunaday@pnatuna.com) by 2 April 2013.

Entry is free. No late entries accepted. Entrants with winning artwork and films will be required to submit these to the PNA office. Proof of nationality will be required for the winning entry before prize is awarded.

### About our sponsors

Gold sponsor NFA is a non-commercial statutory authority with the vision of "effectively managing our fisheries and marine resources for sustainable and equitable benefits". The largest such organization of its kind in the PNA countries, NFA has a rich history of managing sustainable development of fisheries. See [www.fisheries.gov.pg](http://www.fisheries.gov.pg) for more details.

Silver sponsors of the NFA/PNA World Tuna Day Art and Talent Quest are fishing industry companies Frabelle and Trimarine.



OL PRUT BILONG SAIT ROT MAKET: Jiwaka na Hagen hai we save gat ol nais pela liklik maket we ol save salim ol gutpela fres prut olsem painapol, muli, pinat na planti moa. Poto i soim wanpela bilong ol dispela liklik maket. *Poto: Nicky Bernard.*

# Resis bilong kalapim ston na maunten



## YU bin save olsem i gat wangepa resis we ol man i save resis long kalapim ol bikpela ston long go antap long maunten?

Sapos nogat orait nau bai yu save. Pasin bilong kalapim maunten na bikpela ston em i olsem hap laip bilong ol manmeri long taim bipo na tu long nau we i nogat gutpela rot na bris bilong bihainim. Tasol i no olgeta manmeri save olsem i gat wangepa spot we ol i mekim long dispela kain laipstail bilong planti manmeri. Nem bilong dispela spot em "Rock Climbing" (rok klaiming) o resis bilong kalapim bikpela ston.

I gat planti kain resis na han bilong dispela gem tasol long dispela wik bai yumi lukluk long hap han bilong en ol i kolim "Sport Climbing" (spot klaiming). Spot klaiming em i wankain tasol olsem rok klaiming we ol pilaia i save traim long kalapim ol bikpela ston long sait bilong maunten wantaim rop long traim na i go antap long het bilong en. Tasol long spot klaiming, ol i save nilim ol hap ain o anka i go insait long ston o sait bilong maunten we ol i save pasim rop long en na yusim long kalap i go antap.

Rok klaiming i nogat dispela, ol pilaia i save putim ain o taitim rop i go pas long ston taim ol i kalap i go na bihain rausim gen taim ol i abrusim pinis.

### Histri bilong gem

Pasin bilong kalapim ston o maunten em i no nupela samting na i kamap long olgeta hap long wol. Bipo yet ol manmeri bilong yumi long Papua Niugini na tu long arapela hap long wol i save kalapim ol maunten, bikpela ston, bik bus na wara. Ol wok painim aut i soim sampela olpela piksa bilong ol man i kalapim ol ston long Saina 400 yia bipo long mama i karim Jisas Krai.

I gat mak tu long Amerika we long 1300's long sait bilong ol bikpela ston we i soim olsem ol asples long dispela taim i bin gat save long yusim ol samting long kalapim ol dispela bikpela ston.

Tasol astingting tru long mekim dispela i kamap long stat bilong 1800's taim planti moa manmeri wok long lukim dispela olsem wangepa samting bilong mekim taim ol i stap nating.

Ol i save kisim rop na ol arapela samting bilong kalapim ol ston long maunten sait na i save go traim save bilong ol long kalapim.

Ol i mekim dispela i go na nau em i kamap olsem wangepa spot we planti manmeri save laik long pilaim.

### Stail bilong pilai

Gem bilong kalapim dispela ol bikpela ston long sait bilong ol maunten em i no isi nay u ken i dai long en tu.

Long dispela as, yu mas i gat olgeta samting bilong yusim insait long dispela gem. Namba wan samting tru em rop.

Yu mas i gat ol liklik hama na pik bilong brukim sampela hap ston na graun bilong

holim na sanap long en tu.

Insait long spot klaiming tu i save gat ol hap ain o nil we ol i save sutim i go insait long ston we yu ken pasim rop long en.

Yu mas lainim na save gut tru long pasim rop long dispela ol samting.

Tingim tu ol karamap bilong skru bilong han na lek, het na tu gutpela su we i no hevi na we i ken pas gut long ston na i noken wel taim yu putim lek.

Long resis, ol i save lukluk long husat bai kamap antap long het bilong ston hariap tru na tu long rot bilong husat i hat tru tasol em i kalap na i kam antap.

Em i no wangepa bikpela spot we ol pilaia i save kisim biknem o bikpela luksave long en tasol em i skulum ol pilaia long painim rot long ples nogut na tu long ol kain kain stail bilong pasim rop strong tru na yusim long apim o daunim ol i go daun.

Planti taim ol i save pilaim dispela gem long amamas tasol taim ol i kamap long wangepa bung o kem.

### Spot klaiming long PNG

Em bai no inap hat long traim dispela gem long PNG bilong wanem em i n o wangepa bikpela spot we i save gat ol bikpela kompetisen long en, na tu i gat planti bikpela maunten na ston i stap we ol manmeri ken traim save bilong ol long en.


Sampela samting yu mas tingim tasol em mani bilong baim ol samting bilong stap insait long dispela pilai na tu kisim gutpela trening na skul long ol save lain long en bipo long yu go na traim.



CLIFF SIDE: Tupela man i pas long sait bilong bikpela ston na traim long go antap long en.



MALOLO: Wangepa man i kamap long gutpela hap long sanap na i kisim win.



PAINIM ROT: Wangepa meri painim ples bilong holim na i go antap.



ROP: Sampela ol samting yu mas i gat taim yu laik kalapim bikpela ston olsem.



KARAMAP: Su na karamap bilong het we ol manmeri save werim taim ol i stap insait long spot klaiming.

# Tingim na tok tenkyu

BIKNEM Ragbi Lig man na pilaia Wally Lewis, em bipo em i bin gat sik guria o epilepsi. Sikspela yia i go pinis, em i bin kisim halivim long ol dokta long Austin Haus sik long Melbon. Ol i bin katim kru bilong em na stretim hevi long bodi bilong en long stretim dispela sik guria bilong en.

Nau, sikspela yia bihain, em i no save guria moa. Lewis i bin raun i go bek long haus sik long makim taim ol i halivim em. Em i katim kek wantaim ol wokmanmeri bilong Austin Haus sik. (Foto: AAP Images)



## Bladerunner man kilim gelpren bilong en



MAN ol i kolim em 'Bladerunner', em Oscar Pistorius, i bin sutim na kilim dai gelpren bilong em wantaim gan. Nau em i sanap kot long dispela asua. Pistorius i tok em i bin asua na kilim gelpren bilong en, bikos em i ting em i wanpela stilman i go insait long haus bilong em long nait. Pistorius i bin mekim bikipela nius tru taim em i bin winim pait long em i go insait long Olimpik Gems, maski em i no gat tupela lek, na i save ron wantaim tupela hap kapa lek.

## Anasta belkirap long bungim Roosters gen

BIPO kepten bilong Roosters, na nau, Wests Tigers man, Braith Anasta i skin kirap long bungim olupela klab bilong en long Sarere nait.

Em bai namba wan taim Anasta bai bungim Roosters bihain long em i lusim wok kepten na klab las yia.

Maski em i save luksave yet long Roosters, em i amamas long lusim ol.

Anasta i bin pesman bilong klab long kain kain hevi ol i bungim.

Em i bin inap long dispela, na em i lusim ol.

Nau long Tigers, Anasta i no moa wanpela long ol biknem pilaia. Dispela luksave i stap long Benji Marshall na Robbie Farah.

Em i no moa kontrolim pilai long fil. Nau em i sanap long lephan sait beklain.

## Broncos sikirap long premier 7-pela yia

OL fens bilong Brisbane Broncos i wet sevenpela yia pinis long winim wanpela premiasip gen, na nau ol i laikim kosa Anthony Griffith long mekim samting stret.

Laspela premiasip bilong ol em long 2006.

Tasol Griffin i pilaim pat bilong en na kisim bek Scott Prince. Em i gat gutpela kiking gem, na i gat we long

salim bal kwik i go long ol ausait beks. Em wanpela hap Brisbane i bin pundaun long en las sisen.

Kambek bilong premiasip fowet David Stagg long Bulldogs em i narapela gutpela senis, bihain long pinis bilong Petero Civoniceva, ausait beks Gerard Beale (go long St George), na Ben Te'o (go long South Sydney).

## Hasler em man bilong apim Dogs

DES Hasler i stap wanpela kosa tasol insait long 20 krismas, long lusim wanpela gren fainal long wanpela yia, na winim narapela long narapela yia.

Nau, bihain long Canterbury i pundaun long han bilong Melbourne Storm long gren fainal las September, Bulldogs bai lukluk

long bosman bilong ol long kirapim ol gen long 2013.

Long 2008, Hasler i lidim Manly long wanpela strongpela win taim ol i daunim Storm.

Bellamy i bin kam bek long winim ol gren fainal long ol yia bihain, long ol i lus long 2007 na 2009.

## Civoniceva lukluk long Fiji Wol Kap sans

FIJI man Petero Civoniceva i laikim sans long makim kantri bilong em long Wol Kap.

Bipo Australia fowet, husat nau i pilai long Redcliffe insait long Queensland Cup, i tok olsem em i toktok pinis wantaim Fiji kosa Rick Stone long stap insait long 2013 Wol Kap

tim bilong en.

"Mi toktok pinis wantaim Rick, na mi tokim em sapos bodi i strong yet, mi laik stap insait long ol wol kap plen bilong en," Civoniceva i tok.

Em i tok olsem klostu werim Bati jesi wantaim narapela NRL sta, Lote Tuqiri long 2000 Wol Kap.



# Ol Spot Eksen poto long wiken...

*Ol Poto Nicky Bernard.*

Ren tasol pilai i go het yet namel long Pom FC na lsten Sta long Pot Mosbi. Sta i no sain long wanem ren na ol lus long Pom FC 3-0.



Kala wankain tasol pes i soim we long tromoi bal, Daltron WA i pasim bal long wan pilaia bilong em taim Theodist pilaia i lukluk.



Liklik meri traim pilai long kisim ples bilong mama long bihain..



WEL Long Hom, Difens pilai i wel long hom bes taim kesa bilong Stingers i traim long autim em.

## - Weekend Sports Draws -

### Round 4 Draw: Telikom - NSL

Round 4						
23/2/2013	1:00PM	FC POM	Vs	Besta PNG Utd FC	SIG	POM
23/2/2013	1:00PM	Welgris FC	Vs	WNB Tavor FC	IKS	LAE
23/2/2013	3:00PM	NC Civil Oro FC	Vs	Hekari Utd FC	IKS	POM
23/2/2013	3:00PM	Gigira Laitepo Morobe FC	Vs	Eastern Stars FC	SIG	LAE

**TOKSAVE:** Salim ol spots dro bilong yu kam long Feks; 325 2579, e-mel; [bveo@wantok.com.pg](mailto:bveo@wantok.com.pg) o kam lusim long Wantok Niuspepa opis long Able Building Complex long Central Waigani, NCD.



# Ol i saspensim Royals Ragbi Lig klab

## Bustin Anzu i raitim

ROYALS Ragbi lig klab bilong Lae husait i save pilai resis insait long Lae Ragbi Lig Asosiesen i kisim saspensim notis long noken kamapim wanpela tim inap bihain long tupela yia olgeta. Tasol Royals i tok ol bai apil long dispela disisen bilong ol eksekutiv.

Long wanpela miting bilong Lae ragbi lig eksekutiv long las wik Fonde i bungim tingting long saspensim dispela klab bilong ol polis long wanem, miting i tok presiden bilong Klab i askim planti askim long konstitusen bilong Lae lig, ol bai lo na oporesen bilong Lae Lig.

Dispela saspensim notis, we

President Russ Kaupa na Sekreteri Martin Surab i sainim i tok presiden bilong Royals ragbi lig klab long Lae, long planti taim i wok long askim konstitusen, ol bai lo na ron bilong pilai, we save bringim dispela pilai igo long planti hevi.

“Yu inap long sapotim wok bilong mipela long ronim dispela asosiesen na wok bung long strongim wok bilong mipela. Tasol yu i no mekim olsem na abrusim olgeta mak na kisim Lae ragbi lig igo long Lae Distrik Kot na dispela, em long tingting bilong mipela, yu mekim bikpela asua,” saspensim notis i tok.

Dispela em long wanpela kot oda we Royals ragbi Futbol lig klab i bin kisim long Lae ragbi lig asosiesen long taim bilong ol fainols long las yia.

Royals ino amamas long sampela disisen bilong Lae ragbi lig na kisim igo long kot.

Long dispela kot, Royals i bin laikim olsem ol mas pilaim fainols wantaim narapela tim we ol i redi long pilai wantaim.

Ol i tok ol pasin bilong presiden i soim olsem klab, ol eksekutiv na tim ino luksave olsem dispela wok we 12 pela klab i givim long ol long mekim, ronim asosiesen, menesim, promotim na lukautim, ino amamas.

Tasol presiden bilong klab Wilsen Tapi i tok em ol dispela toktok bilong presiden em ino tru. Wanem samting em i bin mekim em taim em i lukim ol samting ino stret, em i askim.

Em i tok em i polisman na taim mi lukim olsem sampela samting ino stret, em i mekim

em long toktok long wanem, em i lukim em ino bihainim konstitusen na bai lo we ol i bin kamapim long en.

“Mi polisman na taim mi lukim olsem sampela samting ino stret, skin gras bilong mi save kirap na mi save askim long painim aut bilong wanem na ol dispela samting i kamap,” em i tok.

Em i tok ol bai apil long dispela disisen bilong Lae ragbi lig na sapos dispela ino wok, ol bai kisim igo long Distrik Kot.

Long wankain nius, polis long bai mekim wok painim aut long ol buks bilong Lae ragbi lig asosiesen. Komplin i stap pinis wantaim polis long wanem, i nogat stori bilong ron bilong mani long stat bilong 2007 i kamap inap nau.



## Welkam long ol 2013 Spots pilai

SAPOS mi no bin tok bipo, nau mi laik tok Welkam long yupela ol rida bilong Spot Raun.

Dispela yia em i wanpela bikpela yia long spots, na ol arapela wok i save kamap wantaim spots long kantri bilong yumi. Mi save planti long yupela bai stap insait long ol wok bilong spot long dispela yia.

Yumi lukluk long ol spots pilai we bai kamap dispela yia.

Sampela ol bikpela spot pilai em 2013 Ragbi Lig Wol Kap, we olgeta ragbi lig fens bai amamas tru na bihainim dispela Wol Kap we PNG bai brukim bun wantaim ol arapela supa pawa bilong Llg, olsem Australia, Nu Silan, Englan, na ol arapela Pasifik Kantri.

Wol Kap em i nambawan bikpela samting bilong Ragbi Lig long Wol, we PNG bai stap long en. Moa yet, ol asples spotman bai soim strong na save bilong ol long namba wan bikpela level bilong kompetisen, insait long Wol Kap, na yumi olgeta i mas bilip olsem ol boi bilong yumi bai pilai strong long Wol Kap.

Long Sika, Nesenel Soka Lig bilong yum ii go insait long ol pilai resis bilong en. Dispela sisen, i gat ol nupela tim olsem Oro Futbol Klab, na POMIS Futbol Klab. I kam inap nau, kompetisen i ron gut, na ol nupela tim i wok long isi isi long soim strong bilong ol.

Ol Pepes bilong yumi nau i wok long redim ol yet long intanesenel pilai bilong ol agensim ol arapela Pasifik tim insait long Pacific Cup. Ol gels bilong mipela i wok long pilai strong. Mipela i laik bilip olsem ol bai strong gut na mekim nem long dispela intanesenel pilai resis.

Ol arapela spot tu bai gat ol nomol kompetisen bilong ol, olsem ol nesenenel tonamen bilong ol.

Olgeta samting yumi mekim, mipela olgeta i mas wok strong long redi long 2015 Pasifik Gems. Dispela Gems bai soim tru ol namba wan spotmanmeri long kantri bilong yumi. Em nau, ol spot pilai bilong dispela yia bai makim stret wanem kain talent yumi bai yusim.

Kantri bilong yum ii no mekim gut long laspela ol Gems, we ol arapela liklik wansolwara kantri i wok ong ron raunim nek bilong mipela na i no luk gut. Ol spot pilai bilong dispela yia i bikpela samting, long sait bilong 2015 Pasifik Gems.

Olgeta 22 provins i mas kontribut o givim han long 2015 Gems long sait bilong painim ol hidden talent long ol ruel eria bilong provins bilong ol. Sapos i gat ol strongpela spotmanmeri we ol bai painim, plis toksave long wanem spot ol i pilai, na stori bilong ol yet tu.

Mipela i laikim wanem kain ol etlit, maski ol i stap long taun o long ples. Givim mipela olgeta stori long painim ol, na mipela bai go het long dispela wok.

Wanem spot yu pilai dispela yia, plis pilai sef na fe. Na yu gat gupela spot yia!

## Bladerunner man kilim gelpren bilong en



MAN ol i kolim em ‘Bladerunner’, em Oscar Pistorius, i bin sutim na kilim dai gelpren bilong em wantaim gan. Nau em i sanap kot long dispela asua. Pistorius i tok em i bin asua na kilim gelpren bilong en, bikos em i ting em i wanpela stilman i go insait long haus bilong em long nait. Pistorius i bin mekim bikpela nius tru taim em i bin winim pait long em i go insait long Olimpik Gems, maski em i no gattupela lek, na i save ron wantaim tupela hap kapa lek.

## i kam long bek pes

## Yumi mas winim 2015 Pasifik Gems

Minista Tkatchenko i tok olsem namel long nau na 2015, em i laikim bai yumi PNG i mas painim olgeta nupela na strongpela spotmanmeri i hait i stap long ol liklik ples long kantri, na strongim save bilong ol long pilai, long redi long Gems.

“Yumi wok nau long

painim olgeta namba wan spotmanmeri bilong yumi. Ol program bilong spot i wok long ron i go daun olgeta long ol liklik ples. Mipela laik sekim olgeta hap kona bilong kantri long painim ol strongpela spotmanmeri long olgeta kain kain spot we bai kamap long 2015.

Mipela i bilip strong olsem ol spotmanmeri bilong yumi i stap, na yumi mas painim ol, halivim ol long strongim save bilong ol long wanem spot ol i makim, na givim ol inap sapot long makim kantri.

“Mipela em bikpela kantri long Pasifik, na mipela bai

lukautim dispela ol Gems. Olsem na mipela i mas winim,” em i tok.

Mista Tkatchenko i bin mekim ol dispela tok salens long FM100 Tokbek So long Tunde dispela wik, taim em i tok klia long ol wok redi bilong 2015 Pasifik Gems, na ol bikpela senis bilong redim

kantri long hostim.

Mista Tkatchenko em i Minista bilong Spot, Pasifik Gems, na Nesenel Ivens.

Em i tok klia olsem bai gat ova 6,000 spotmanmeri bilong olgeta hap bilong Pasifik i kam sindaun long Pot Mosbi, na bikpela wok i go het nau long redim Mosbi siti

long dispela bikpela wok.

Las yia, i bin gat tingting long brukim ol spot pilai i go aut long ol arapela provins, tasol Mista Tkatchenko i tok olsem nau, bihainim tok bilong Pasifik Gems Komiti, olgeta spot pilai bai kamap long Nesenel Kapitel Distrik tasol.



# Ren sokim ol spot manmeri na sapota

Nicky Bernard i raitim

**POT Mosbi em ples bilong san, tasol las wiken, planti pilai long i bin pas long wanem bikpela ren i pundaun bihain long belo.**

Planti gem long Sarere moning bin kamap gut long wanem san bin sain gut tru, tasol bihain long belo

Rausim wara long pilai, Elizabeth Ovo GA bilong QBE i laik tru long pilai olsem na em brumim wara long namel long kot long redi long pilai. Ren long wiken long Mosbi bin stopim sampela pilai.  
*Poto Nicky Bernard.*

bikpela ren bin pundaun na bagarapim sampela ples bilong pilai, na pilai tu wantaim.

Dispela ren i no stop inap long Sande, we planti pilai graun i pulap long raunwara, sampela i drai liklik long liklik san bin kamap long moning.

Ragbi 9s long Pot Mosbi Ragbi Lig oval bin stop long wanem ol moning bin

bagarapim pilai graun na ol tim long avinun ol stopim long larim pilai graun bai ol stretim.

Sofbol pilai bilong ol meri bin go het maski ren bin pundaun long Sarere, ol pinisim olgeta pilai bilong ol na larim graun ren stretim bilong ol man long Sande.

Long Netbol, sampela tim bin les long pilai long ren na ol askim long surikim pilai

bilong ol go long narapela wiken.

Ol dispela tim pilai long taim bilong ren bai gat wanpela gem bilong ol long pilai long narapela wiken.

Long NSL soka resis tupela pilai wantaim long Mosbi bin pinisim gem bilong tupela we Hekari bin win tim bilong Morobe 1-0 na Mosbi bin win Isten Sta 3-0.

## “Yumi mas winim 2015 Pasifik Gems” – Tkatchenko

PAPUA Niugini bai hostim 2015 Pasifik Gems, na bikos yumi bai lukautim dispela bikpela rijenal pilai, Spot Minista na Minista i bosim wok redi bilong 2015 Pasifik

Gems, Justin Tkatchenko, i laikim bai PNG i mas kamap namba wan.

*Moa long Pes 27.*



BOROKO MOTORS	
PORT MORESBY	325 5255
LAE	472 1144
MT HAGEN	542 1933
TABUBIL	649 9048
KIMBE	983 5035
MADANG	422 2659
KOKOPO	982 8193
GORDKA	532 3552

Email: info@borokomotors.com.pg  
 Website: www.boroko-motors.com